



校刻日本外史

足利氏

七八九

リ5
15688
5



15
15688
5



大正
四年
五月
廿九日

日本外史卷七
足利氏正記
足利氏上
足利氏出於源義家
義家在京師
其子義國
以事謫關東
居上野
生二子
義重
義康
義康食下野足利郡
因氏焉
為檢非違使
左衛門尉
保元之亂
從源義朝於京師
衛守大內
捕平家弘
補藏人
聽昇殿
生三子
義清
義長
義兼
義兼雄偉而循謹
其二兄皆為源義仲將
而與平氏戰水島
死之
而義兼從征夷大將軍源賴朝于鎌倉
最見親待
從擊平氏筑紫
又從擊藤原氏陸奥
陸奥再亂
義兼統諸將往

日本外史
卷之七

源氏系
圖公卿
補任並
少輔作
太輔

討之賴朝因定天下。奏授之上總介。使北條時政以女妻之。生義氏。義氏數助北條氏。靖其家難。為正四位下。左馬頭。義氏生泰氏。泰氏生賴氏。賴氏生家時。家時生貞氏。皆居足利。旗用白旗。號重畫。細川。畠山。仁木。岩松。挑井。吉良。今川。斯波。石橋。澁川。石堂。一色。諸族。皆出於足利氏。足利氏世與北條氏婚。更相倚賴。然家時貞氏自負門地。耻立人下。思俟時滅之。貞氏娶上杉氏生子。曰高氏。曰直義。高氏稱又太郎。任治部太輔。直義任兵部少輔。高氏為嫡嗣。娶赤橋守時妹生子。千壽。赤橋北條氏族也。元弘元年。後醍醐天皇起兵。據笠置山。討北條高時。高時乃遣高氏

直義等往攻之。高氏兄弟時丁外憂。強起而西。城陷乃返。二年。高時流。天皇于隱岐。立光嚴帝。已而帝歸。伯耆宮。軍並起。攻六波羅府。帥北條仲時。北條時益。數戰不利。高時遣高氏及名越高家赴援。高氏有疾。不欲往。強之再三。高氏大溫。乃答使者曰。當不日發矣。因陰謂其親信曰。彼舊為我家臣。隸時遷勢。變乃至僕役。我欲以今日歸官軍。以興我家。如何。上杉憲房。細川和氏等皆贊成之。高氏乃欲挈家行。或說高時曰。源氏失天下。兵權久矣。今日之勢。焉知其無異圖。宜質其孥。日要其誓。高時然之。以溫言來請焉。高氏患之。謀於直義。直義曰。公欲誅無道。神豈不

蜀古云切潔也

祖道設宴送行也

右焉。要盟神所不蠲也。宜留親信護孺子。而夫人則屬赤橋氏。當無所憂。公第聽彼所言。亟成大事。高氏從之。高時祖道取一白旗授高氏曰。是自八幡公傳至。右大將而我家受之者。請以為贖。八幡公謂義家。右大將謂賴朝也。高氏受之心竊喜焉。乃率直義以下宗族三十二人。兵三千而西。至參河。告謀於其故黨吉良貞義。貞義曰。臣固將言焉。高氏意益決。抵京師。乃密使使伯耆。請降。帝素聞其家聲。則大悅。賜使者以邑。敕曰。諸國官軍。汝其帥之。以滅國賊。賊滅之後。賞當從所請。已而名越高家。後至。與官軍將源忠顯赤松則村戰于孤川。敗死。高氏方張宴于挂川西。

按四月
上當有
三年二
字蓋係
脫文

指一佛舍。問其名。或答曰。勝持寺。高氏哂曰。吾將勝而持之矣。乃聲言往攻。行在遂止。馬行入丹波。四月二十七日。至篠村。建旗于八幡廟前。州人久下時。重以二百騎先至。旗號一番字。高氏見之。問故。對曰。右大將之起。臣祖重光先衆而至。右大將親書賜焉。遂以為號。高氏大喜曰。我家之嘉兆也。五月七日。高氏引兵南攻六波羅。自祈戰勝。納一矢於廟。直義以下宗族皆倣之。矢積成堆。乃發。沿道。其皆附之。比入京師。凡五萬人。軍于神祇官址。府帥遣兵二萬來拒。我軍擊大破之。與忠顯則村合兵。圍府。細川和氏說曰。圍之者。固彼志。而損我兵也。不若誘而走之。高氏乃

闕其一角。果多逃降者。府帥遂奉新帝走。死近江。高氏乃
奏捷於行在。帝乃還闕。廢新主而復位。即日。以高氏敘從
四位下。任左兵衛督。聽昇殿。直義敘正五位下。任左馬頭。
以甲士五千。扈乘輿後。於是高氏遣細川和氏與弟賴春。
將兵往定關東。先是千壽逃歸下野。聞新田義貞起兵。往
從之。義貞。義重遠孫也。北條高時伏誅。鎌倉平。義貞。閔源
氏故器。得白旗。旗號重畫。新田氏號中黑。故不可用。和氏
聞之。以其有足利氏之號。就而求之。義貞不與也。和氏乃
大稱高氏在京師得寵遇狀。以搖將士。將士稍稍去。義貞
就千壽。新田氏於是與足利氏有卻。而帝方寵高氏。進從

三位參議。賜御諱尊字。改名尊氏。十二月。遣皇子成良。鎮
鎌倉。直義執權焉。建武元年。廷論戰功。尊氏為首。管武藏
常陸下總守護。直義管遠江守護。時關東承大亂之後。人
心未定。直義修北條氏舊政。招散亡。撫瘡痍。遠近歸心焉。
而京師之政。務改其舊。徵守護地頭。食邑十分一。以修
大內。又造交鈔。民不便之。朝廷臣僚異時為武人所輕侮
者。至是競驅役武人。武人効力於興復者。奉狀冀賞。羣聚
闕下。有司不能甄別。月餘。乃定十餘人。而內救已。以北條
氏邑分給於妃藤原氏皇子護良等。其餘悉散。賜京官內
臣歌童舞妓六十餘州。無復遺地。當是時。朝議內旨。相為

交鈔

鈔初教坊正字
通楮貨名交鈔
楮幣也蓋交者
納日易新與真
貨交易之謂也

抵牾往往數人同爭一邑。許食邑如故者。旋被沒收。赤松則村校播磨守護已而褫之。厩食佐用一莊。時有論旨。翻覆之譏。諸武人私相語曰。如是而不止。我輩皆奴虜矣。安得戴一將種。執天下權。尊氏聲望素著。眾屬意焉。皇子護良為大將軍。心深疾尊氏。尊氏之初定京師也。護良將殿良忠不戢其下。尊氏捕十餘人。梟之。護良怒。欲誅尊氏。帝不聽。護良耽聲色。又喜客。客多剽藁。酖而殺人。又私徵兵。圖尊氏。尊氏得其徵兵書上焉。誣以謀反。帝乃使人執護良。流於鎌倉。直義迎而幽之。是歲。北條氏餘黨本間滋谷作亂。直義遣兵擊夷之。二年。北條時行起兵。數攻鎌倉。直

義迎擊不利。遂奉成良西走。使人陰害護良。報急京師。尊氏請自將東伐。被許。又請任征夷將軍。管領關東。不許。曰。俟事平議之。尊氏怒。不告而發。諸武人奮躍爭起。從之。至矢矧驛。合於直義。自海道進。與時行兵七遇七捷。遂入鎌倉。時行兵奔潰。詔敘尊氏從二位。敘義詮從五位下。義詮千壽也。又詔趣其西歸。直義說尊氏曰。朝廷與義貞皆忌公。公免而至。此天也。何再赴虎口為。尊氏從之。於是自稱征夷將軍。關東管領。曰。帝所許也。開府于源賴朝故基。賞有功。納降附。收新田氏邑。在關東者。割子將士。將士爭附之。京師傳言。尊氏反。帝使人往詢焉。而細川和氏齎尊氏

劫新田氏書至曰。嚮當東藩之為逆。臣尊氏以身為倡首。奮臂一戰。決勝瞬息。義貞舉事於不得已。及聞臣定京畿。乃以討賊為名。三戰不克。纔為守計。臣長男義詮起下野。遠邇爭歸。義貞憑之以得克賊。遂攘其功。敢要重賞。是國之蠹也。今臣勞苦於外。而內有讒諛之臣。是非趙高專秦。章邯降楚之謂乎。願得明詔。以誅義貞。義貞聞之。亦收足利氏邑在其管內者。上書告護良遭害狀。時直義密徵諸道兵。西國得其檄。上之。十一月。遂詔削奪尊氏直義官爵。遣皇子尊良來討。義貞為副。馬當是時。諸國兵士赴關東者。與歸京師者。東西旁午。道路如織。直義以下將校。盡戎

裝入見。請邀擊官軍。尊氏默然。良久曰。我官位顯達。得伸宿憤。雖由微功。豈非君恩。恩可背乎。今之所以觸宸怒。曰。我親王也。曰。徵兵也。二者非尊氏所為。詳訴其寃。猶得霽威。即不被許。有削髮遁世而已。諸君好自為計。尊氏終不能西向關弓矣。作色而入。諸將愕眙。居二日。有來告曰。義貞至參河矣。上杉憲房。其子憲顯。細川和氏。其族賴春等。並謂直義曰。將軍所言。非無理也。然天下武士。麤足思亂。一聞將軍起。則雲合景附矣。將軍豈不辨禍福乎。今曠日彌久。使敵過要害。悔莫及焉。直義乃使諸將先發。再戰皆敗。直義自以二萬騎赴援。亦敗。十二月。諸將還。請尊氏第

按漢書
作第

錦袍錦直垂也

第門閉矣。衆亂敲之。有一人出曰。將軍逃建長寺。欲削髮。我曹有方止之。切髻而未別也。將士大沮。憲房義子重能。僞作官檄十餘紙。曰。尊氏族類罪惡深重。雖遁世晦迹。而勿得宥釋。直義持至建長寺。泣曰。獲之敵死尸中。尊氏熟視大息曰。誠如是乎。則吾亦當從諸君。執弓箭與義貞決死也。乃釋法衣穿錦袍而出。諸軍大喜。驩呼皆自切髻。以亂其狀。將逃降者四面來還。一日號三十萬。直義先將六萬拒義貞于箱根。東軍稍卻。尊氏聞之。以十八萬騎繼進。曰。拒其面不若出其背。引兵出竹下。竹下官軍呼譟而進。赤松貞範等爲我先鋒。望其陣曰。是京兵耳。乃聯鋒馳下。

官軍敗走。尊氏追北至伊豆府。義貞西走。乃使義詮守鎌倉。而合軍追躡之。京畿震駭。帝遽榜朝堂。能拒賊者有重賞。無復應者。延元元年正月。尊氏攻義貞于大渡。我軍多溺。先是赤松則村叛。應尊氏。徇下山陽細川和氏。從弟定禪。顯氏並在讚岐。徇下南海。至是定禪等與赤松範資合兵攻山崎。尊氏聞之。遣貞範助攻。破之。義貞顧而敗走。奉乘輿據叡山。尊氏乃入京師。範資貞範皆則村子也。於是尊氏誘園城寺下之。遣定禪據焉。以逼叡山。會北畠顯家舉陸奥兵入援。行在定禪。連請益兵。尊氏不以爲意。旦日定禪敗還。義貞追至陣于東山。尊氏指語將士曰。聞義貞

喜平地騎戰。今負山不出者。意其兵寡。使我不識兵數耳。遣一將嘗之。不利。卻尊氏乃親進。會敵兵雜入我軍。軍遂亂走。及日暮。敵亦引去。細川定禪謂其兵曰。敗由於我。我欲一雪其耻。料敵兵皆疲。不疲者出掠。可以襲也。以兵三百夜返。縱火其前。自後襲之。義貞果不備。敗走。定禪追擊。獲其將領數十人。尊氏復入京師。已而官軍復來攻。我軍不利。陸奧兵二萬騎。火栗田口而來。尊氏望之曰。彼其北畠氏也。吾自當之。進關于四條。義貞軍大至。我軍顧之。遂敗走。止戰于桂川。鑿其一隊。官軍乃引還。尊氏復入。謬聞義貞等死。其兵逃走也。分兵要之。官軍乘虛來攻。尊氏敗。

走丹波。一月。尊氏赴兵庫。熊野道有者在軍中。與廢主臣僚相識。尊氏召而謂之曰。吾之數敗。非戰之罪也。以我負賊名焉。爾吾始欲擁立一皇胤。以其悉在叡山。不可如何。吾意廢帝抑鬱。不得志久矣。汝安為我得其詔旨。吾將使兩主爭位。以成吾事也。道有諾而去。赤松則村請尊氏入保摩邪城。或曰。是失天下之望也。今見兵猶足以取京師。乃屬兵於直義。東上。戰于豐島。敗還。會大友貞宗。大內弘世等。以兵艦來接。迎擊官軍于湊川。又大敗。則村又說尊氏曰。師不可用。公宜留諸將于中國及南海。而身赴鎮西。以圖再舉。尊氏從之。與書則村。呼之為父。以深結納之。於

是尊氏與直義乘貞宗舟而西。諸將士多降義貞。義貞頗驕怠。耽溺女色。不復窮追尊氏。尊氏得達赤間關。三月。菊池武敏起兵。應官軍。攻殺少貳貞經。貞經遺囑其子賴尚曰。吾為三浦義明也。汝體吾志。慎仕將軍。賴尚引兵迎尊氏。尊氏問貞經死否。賴尚恐沮軍氣也。答曰。訛傳耳。因導至宗像氏會武敏來攻。尊氏上香推祠。以望其軍。可四五萬騎。而顧我兵僅五百人。鎧馬不具。曰。吾死矣。乃進陣赤坂。遣直義先進。賴尚曰。彼鬪士不過三百。其餘聞將軍至。皆將降也。進戰于翰濱。仁木義長。細川顯氏等奮搏敵兵。剝鎧奪馬而進。會北風起。沙石皆走。敵兵沮卻。直義憑風。

縱擊。追至博多。武敏以全軍返戰。直義自慮不支。馳使尊氏。截衣袖遺之。為訣曰。公亟走長門。直義將殞死於此。尊氏得報曰。吾弟如死。吾何生為。親將赴援。松浦氏神田氏謂大兵至矣。舉其衆來降。合擊大破武敏軍。追至大宰府。於是聞貞經定死。尊氏直義為之舉哀。尊氏乃遣一色賴行。仁木義長。攻陷菊池八代諸城。鎮西皆服。而中國南海諸將又並起。應之。義長兄賴章與久下時重等據丹波。赤松則村據播磨。石橋和義據備前。於是義貞攻則村。白旗城。城壁未成。則村詐遺之書曰。元弘之初。臣數挫強賊。而賞出於降虜下。故背此嚮彼。豈其志也。願得州守護。以圖。

報效。義貞喜。為請詔旨。往反旬餘。詔至而壁成。則村還詔書。不受。曰。守護已獲之於將軍矣。何以此翻覆。論旨為義貞大恚。合兵六萬。圍則村。使弟義助攻石橋和義。和義則村皆堅守不下。遣使告急於尊氏。五月。尊氏使賴行義長守鎮西。而率諸軍發大宰府。至嚴島。會僧賢俊奉廢帝書。至尊氏大喜。令諸將立錦旗。遠近競附。兵艦九七千餘艘。進至鞆津。以少貳賴尚策附。一十萬人於直義。上陸拔福山。義貞遽釋圍而走。備前丹波美作官軍望風解去。尊氏至室津。赤松則村出圍迎謁。收敵所遺旗幟百餘于城下。以獻尊氏。視其旗號。多故部屬。曰。避害焉耳。今將來歸。已

而來降者果多。而陸軍亦會。夾擊楠氏兵于兵庫。鏖之。合軍擊義貞。義貞走歸。復奉乘輿據叡山。法皇廢帝。廢帝弟豐仁親王。皆託疾不從。往依尊氏。尊氏據東寺為城。六月。遣軍仰攻叡山。不利。義貞追入京師。尊氏伏兵于街巷。而出羸兵。且戰且卻。誘敵入京中。伏起大戰。義貞敗走。又聞義貞計夾攻也。乃遣兵邀擊。走之。義貞誘興福寺僧徒。令畿內南海兵絕我糧道。乃遣細川定禪。今川範國。擊走南海兵。七月。義貞以數不得志。計四面來攻。藤原隆資先至。攻南門。我兵盡北出。拒義貞。獨高師直與弟師泰在焉。出戰而敗。敵焚門樓。城內惶擾。尊氏方誦經自若。土岐賴氏

侍座曰。惡源太如在於拒之何有。惡源太其子賴直也。適賴直入見。賴氏喜。問曰。北面之戰未乎。曰。不知也。適在三條望東寺煙揚。乃還耳。師直曰。敵至南門。煩公出拒。賴直諾而出。尊氏呼返之。賜之寶刀。賴直拜而受之。自北門出於敵左。下馬而射。敵兵亂潰。乃上馬。騎而馳之。手斫六人。師直等復出接擊。遂走隆資。而義貞已至北門。請與尊氏各獨身決鬪。尊氏奮然起曰。亟開門。吾非敢敵官家。獨欲與義貞決耳。上杉重能諫曰。彼窮而出於此。將軍何自輕也。會土岐賴遠破大宮敵。乘勝踵義貞軍後。義貞大敗。傷其左眉。走歸叡山。足利氏於是議奉廢帝復位。衆以元弘

叡山門

事。以為不祥也。八月。乃立豐仁親王。是為光明帝。號用建武。後改曆應尊氏為權大納言。直義為左馬頭。九月。議以利昭興福寺。令足利高經以越前兵。小笠原貞宗以信濃兵。並絕東北糧道。又令佐佐木高氏援貞宗。擊新田義助兵。走之。叡山援絕。食竭。於是尊氏陰獻誓書焉。曰。臣初被讒。獲罪。削髮待命。而義貞義助。假公義。修私怨。以至於此。陛下苟諒臣志。迴駕來還。則當歸政朝廷。諸廷臣安堵如故。帝遽納之。義貞聞而弗憚。帝使義貞奉太子赴越前。而命駕還關。直義將兵迎之。乃為新主。請劍璽。帝傳偽器。乃褫文臣官爵。執武臣。寘帝于花山院。請其詔下越前。足利

高經因并州兵圍義貞于金崎。又遣高師泰助攻之。既而帝逃走。不知所之。內外驚騷。尊氏曰：是吉祥善事也。使帝猶在。監護無期。亦不可襲。承久元弘之爲。而今乃如是。豈非善事乎。度其必在畿內。任其所底。而徐圖之。可也。二年。瓜生保自杣山。援金崎。師泰令今川賴國邀擊。破而殺之。金崎益困。義貞出走杣山。或說師泰曰：聞城兵不浴馬。得非糧竭食馬也。於是師泰高經凌城。齊登。城兵果飢羸。不能戰。皆自殺。太子就虜。後遭害。時帝在吉野。建行宮焉。自是天下稱京師曰北朝。吉野曰南朝。義貞復起杣山。高經拒之。義貞少子義興與北畠顯家起兵關東。義詮在鎌倉。

遣細川和氏上杉憲顯等拒利根川。敗還。冬。顯家以十餘萬騎逼鎌倉。鎌倉兵可一萬。諸將欲避。匿安房上總間。義詮時十一歲。叱諸將曰：勝敗兵之常也。卽怖敵。不若不將。義詮在此。望衆而逃。天下謂之何。我兵雖寡。猶可一戰。不免則死。免乃避。匿尾敵而西。與家君夾擊之耳。諸將皆奮。分兵爲四。逆戰不克。奉義詮逃。匿顯家等西上。諸將乃起尾之。明年正月。至美濃。土岐賴遠。桃井直常。與顯家戰。復不克。顯家焚掠而進。京師諸將議拒宇治。勢多。高師泰曰：自古未有拒於此而克者也。何者。攻者勢伸於千里之外。拒者力縮於咫尺之內焉。爾不若邀擊之畿外。尊氏曰：善。

附師泰以萬人赴美濃。背黑血川而陣。顯家避之。取路伊勢。二月。師泰追擊之雲津。破之。顯家入南都。將攻京師。高師直薦桃井直常往擊。直常與兄直信受命即發。奮擊走顯家。顯家弟顯信收敗軍。據男山。諸將視直常不獲賞。無赴攻者。師直助直常攻之。不能下。四月。師直聞顯家在和泉。慮其與楠氏合也。分兵而南。擊殺之安倍野。五月。帝遙命義貞救男山。義貞與高經相持。使義助以二萬騎赴叡山。七月。尊氏急召還師直。師直夜遣謀燒男山積聚。顯信遂棄守走。義助望火退去。於是義貞義助合三萬騎攻高經。足羽城。城兵不滿三百。高經曰。守不可克。走不可達。寧

家山門

守而死焉。城主朝倉廣景贊之。乃修塹壘。屬之藤島。平泉僧徒來告曰。叡山與我爭藤島。今公附之於我。則願效力焉。高經許之。新田氏兵攻藤島。僧兵力拒。高經使細川孝基。鹿草公相以三百人救之。途與敵兵遇。蔽楯亂射。斃其一將。氏家重國持其首歸。高經視之曰。何肖左中將之酷也。果然。則左眉當有箭瘢。命洗面。瘢覩。驗其尸。齋帝詔書。驗其二刀。鏤曰鬼切鬼丸。乃知其義貞也。收尸葬之。獻首於尊氏。徇梟獄門。北朝於是陞尊氏正二位。任征夷大將軍。四年。遣諸將。援高經。走新田義助。殺畑時能。北陸盡平。義助走美濃。土岐賴遠攻走之。興國元年。義助病卒於伊

豫。細川賴春攻拔諸城。悉殺其族黨。於是官軍諸將大半
死亡。其將士相率來降。而尊氏之業終如初志。尊氏使直
義與高師直並執政。謂之曰。吾慕右大將之信賞必罰。而
憾其多疑刻刑也。汝副我意。勿猜且吝於功臣焉。宿仇勁
敵。降輒納之。當是時。氏族最富貴者四十三人。割地賞功。
徵發軍糧。雖朝貴之邑不避也。至朝貴務學。東人言貌。以
計免侮謾。初尊氏之立光明帝。時人爲之語曰。王無一戰
之功。而受帝位於將軍。光嚴上皇嘗出行。途遇土岐賴遠。
前驅叱下馬曰。院也。賴遠時被酒。怒曰。院邪。大邪。誰能下
我者。環射其輿而去。蓋院大國音相近也。直義聞之。誅殺

手行自富也

其
一作

賴遠。使姪賴康承家。時人復相謂曰。院且下之。卽遇將軍。
當手行邪。天下方服足利氏恩威。稍屬無事。而連年飢疫。
多災異。僧疎石進說曰。是先帝憤怒所致。宜興寺以修冥
福。時帝旣崩。行宮後村上天皇卽位。故稱先帝也。尊氏直
義以爲然。興寺于龜山殿址。自興國至正平。七歲乃成。名
曰天龍。以疎石爲主。親臨慶之。大設法會。又爲文祭先帝。
敘其舊恩。然行宮君臣及新田楠井畠菊池氏遺孽。伏匿
諸國者。欲必報足利氏。興國三年。高師直從弟師冬。攻北
畠親房於陸奥。四年。親房走歸行宮。新田義治。匿京師。謀
襲尊氏不成。正平三年。正月。楠正行起兵河內。遣細川顯

氏山名時氏。戰于攝津。敗還。更遣高師直率諸將擊之。四年。師直與正行戰四條。破。縣某擊其前。武田信氏擊其後。佐佐木高氏等繼之。大破正行。正行決前。將士散走。上山高元者。以常服從。在師直麾下。會正行突入。高元急取師直副甲。左右叱止之。師直曰。毋也。彼能代我死者。我何惜一甲焉。高元感激。偽稱師直死。師直因得免。竟斃正行。進焚行宮。使師泰築壘于石川。以攻楠正儀。是歲。北朝太子受禪。是為崇光帝。師直兄弟屢立功。專橫。時方大亂。親王公卿多流離者。師直乃略其子女為妾。妾有數十。嘗讒殺鹽冶高貞。欲奪其妻。師泰嘗與別第。發菅原氏墳墓。聞參

議菅原在。登出怨言。密使人刺之。世莫敢言。上杉重能。畠山直宗。嫉其權勢。計輔直義以排之。直義方學禪於疎石。疎石弟子妙吉。最所崇信。人爭事之。獨師直兄弟輕侮之。重能直宗因結妙吉。妙吉從容說直義曰。自古家之安危。由宰之賢否。君獨不聞趙高離間骨肉乎。公速誅師直。代以上杉畠山。以輔郎君。郎君謂直義幼子也。直義又養尊氏。庶長子直冬。任左兵衛佐。於是出為中國探題。居鞆津。按驗守吏功罪。而高過惡益著。八月。直義與重能直宗。及粟飯原清胤。齋藤利康等謀。伏甲而召師直。師直至。直義三條第。清胤意中變。目師直使去。師直覺。輒起出。其夜。

清胤與利康就告其謀。師直乃聚族黨自衛。召師泰於石川。乃使畠山國清代守而還。直義聞之。使人逆說之曰。我欲以子代乃兄。師泰曰。剪枝及根。尊意可知。臣將面答之。率騎三千卒七千人。持一楯。即日入京師。師直令赤松則村扼杉舟二坂。以備直冬。尊氏驚。使使召直義。直義入尊氏東洞院第。其兵稍稍去。歸師直。留者不滿千人。且日二高以兵數萬來圍之。尊氏使人出責問之。答曰。欲執護人耳。麾兵逼攻。尊氏怒。欲親出戰。直義扼之曰。且聽其所言。何遽與家僕爭。尊氏從之。師直乃解圍而去。遣兵捕妙吉。弗獲。流重能直宗於越前。召義詮執政。以其弟基氏代居。

鎌倉。師冬與上杉憲顯輔焉。擯直義居錦小路第。人莫敢往。獨僧玄慧時問之而已。尋削髮以堅二高之意。二高密使人殺重能直宗。及直冬。直冬逃於肥後。少貳賴尚以女妻之。三角某起兵於石見。以應直冬。五年。二高往擊之。會土岐賴明叛。尊氏乃召還師直。佐義詮擊賴明。虜之。義詮任參議。兼左近衛中將。師泰攻坂石見五城。終圍三角。未能下。而鎮西悉附直冬。師直勸尊氏親征。以示嚮背。尊氏從之。師直又欲殺直義而行。直義即夜出奔南都。不內。走倚越智某。終降於南朝。石堂義房其子賴房。畠山國清。上杉顯能皆降焉。顯能重能子也。明年。直義入據男山。挑井。

直常素怨師直不賞已也。以越中兵入據叡山。約攻義詮。義詮西奔。遇尊氏師直還自備前。合兵擊直常。走之。而將士多叛。日日。義詮走丹波。尊氏師直走播磨。直義遣賴房來攻尊氏。會師泰至白石見。尊氏并其兵。逆擊賴房。時赤松則村已死。子則祐保白旗城不出。直義又遣國清。援賴房。戰于御影濱。尊氏大敗。入松岡城。城狹隘。兵士填咽。師直逐雜卒出之。衆怒而散。將士亦出亡。在者僅五百人。尊氏師直釋甲且自殺。訣飲至夜半。會亡將饗場氏直敲門來報曰。臣潛就國清謀搆國清曰。錦小路公固願之矣。因出示男山來書。書辭信然。尊氏喜。挺身歸京師。一高不知

所出。欲削髮降。藥師寺公義勸其戰。死不聽。二高欲奔四國。聞細川顯氏舉四國應直義。則欲航海東投師冬。會甲斐人來告。上杉憲顯與義子能憲起上野。應直義擊師冬。師冬終走甲斐。爲諏訪氏所攻殺。一高愕然。遂削髮被笠蔽面。東走。欲追及尊氏。上杉顯能兵故遮其間。使不相及。比濟武庫川。三浦某叱師直曰。何物比丘。敢爾蔽面。奪笠觀面。曰。是也。薙刀斫之。師泰望見欲走。吉江某槍刺之。師直子師夏等皆被殺。於是尊氏自播磨。義詮自丹波。直義自男山。皆入京師。置酒會宴。然寡語而罷。直義素飭情。要譽多歸之者。上杉顯能以擅殺師直爲尊氏所逐。而畠山

石堂桃井氏乘勢驕肆。與仁木細川土岐佐佐木氏相惡。時訛言每夜有勒兵於郊者。二黨交爲警備。少納言藤原有範以儒學爲直義所親信。以太公望自比。說直義曰。參議滯亂。軼於商紂。公修周文之德。誰不嚮服。直義意益驕。七月。直常義房又說曰。聞仁木賴章等各歸其國。赤松則祐與南朝通。皆以將軍父子意而圖公也。公宜速赴北國。連臣邑。越中甲斐以自固。直義遽出奔。將士率從之。京師空虛。義詮大懼。旦抵尊氏第。請備其返襲。尊氏曰。有命在天。何足虞也。吟嘯自如。八月。聞直義在敦賀。以萬人赴討。九月。直義兵六萬來陣八相山。迭有勝敗。細川顯氏。畠山

國清勸直義媾和。不聽。二人怒。降尊氏。十月。直義自越前走赴鎌倉。尊氏患之。乃因赤松氏請和南朝。留義詮守京師。而自將東伐。遠江以東盡附直義。尊氏以三千人保薩陞山。直義陣伊豆府。遣上杉憲顯石堂義房等將數十萬迎擊尊氏。十二月。宇都宮氏綱發下野兵應尊氏。遇桃井直常于利根川。戰而克之。進至足柄山麓。炬火彌野。直義兵望見輒潰。仁木義長以二百騎追擊至伊豆。憲顯走信濃。直義與義房匿于北條。尊氏遣義長等執直義入鎌倉。基氏切救解之。不聽。基氏出奔安房。尊氏使人召還之。無何。直義暴卒。尊氏留鎮關東。七年。二月。楠氏北畠氏以兵

數千人。奉帝襲京師。細川顯氏敗走。細川賴春死之。義詮與百餘人。至勢多橋。橋已斷。欲自殺。曾我基洵至前岸。取舟濟之。依佐佐木土岐氏。北朝二上皇一帝皆被虜。新田義興義治亦奉宗良親王起兵東國。來攻鎌倉。稱十餘萬。諸將以兵寡。復議避之。安房上總尊氏曰。關東諸國。聞我逃鎌倉。則必率歸於敵。不如迎擊也。乃使基成留守。而自將五百騎。發行收兵。至武藏。得數萬騎。饗場氏直為先鋒。與義興弟義宗戰。其兵皆少壯。銳進敗走。入尊氏軍。尊氏軍亂。遂大敗。走至石濱。逝士二十餘騎。返戰死之。仁木義長伏兵擊義興等。大敗之。初石堂義房三浦高通叛。為內

應。約戰。酣起刺尊氏。義房語之。其子義基。義基告之尊氏。義房高通出奔。於是與義興合七千人。反襲鎌倉。基氏出戰不克。走歸尊氏于石濱。諸將士稍稍來集。凡八萬餘人。而止杉憲顯自信濃叛。附義宗。合二萬騎。陣碓氷。尊氏曰。先破衆者。寡者自走。進攻義宗。走之。義興等亦散走。京畿將士聞尊氏捷。則率歸義詮。義詮得兵三萬。入京師。官軍還保男山。三月。義詮與細川顯氏赤松則祐會。絕官軍糧道。圍男山數日。會山名時氏與子師義亦率山陰兵來助。攻奪淀口。四月。諸將齊進攻北畠顯能于園殿。楠正儀于更科破之。五月。終陷男山。帝南走。八月。義詮立崇光太弟。

初光明之立也。後醍醐天皇以偽器授之。二月之亂。其器又毀。於是公卿議無劍璽而即位不可。關白藤原良基曰。尊氏爲劍。良基爲璽。何不可。遂立。是爲後光嚴院。當是時。政在於義詮。義詮寵佐佐木道譽。道譽卽高氏信綱五世孫也。初勸尊氏滅北條氏。數困新田氏。及直義直冬叛。不爲變志。屢拯義詮之危。以故寵幸用事。子秀綱弟氏賴等皆被親信。山名時氏負功。欲得邑於若狹。使子師義就道譽請之。曰。將軍所約也。道譽方宴。不顧。師義立至。日暮。乃忿曰。我寧須汝乎。馳歸伯耆。與時氏俱應官軍。吉良滿貞。石堂賴房。當黨直義。赤松氏範。與兄則祐。惡皆起。應之。八

年。六月。同時入京師。義詮移北帝于叡山。而自陣鴨河東。道譽先敗。細川清氏獨止戰。義詮召還之。已而山徒又通款於敵。義詮走近江。新田氏餘黨堀口貞祐率土寇要擊。秀綱死之。行至鹽津。土寇復起。兵潰。清氏下馬。負北帝。東走。達垂水。尊氏已定關東。留基氏鎮之。佐以畠山國清。而西與義詮遇。與共入京師。而時氏兵日逃亡。走歸伯耆。時氏乃曰。衆之不歸我。我知其由也。乃索直冬。直冬自直義死。匿于長門。於是時氏擁戴之。歸者果多。足利高經。桃井直常。皆來送款。高經之克新田義貞也。得其二刀。尊氏欲取之。曰。源氏之寶也。宜傳之宗家。高經斬之。給曰。嚮託於

長崎道場。罹災矣。取他刀二。燒而獻之。尊氏怒。擯斥高經。高經怨望。終歸直冬。九年冬。直冬等並起。東攻京師。義詮與道譽出拒播磨。明年正月。直冬時氏自丹波入。仁木賴章新爲執事。不敢要擊。尊氏奉駕走近江。六角氏賴仁木義長等來援之。而細川賴之以四國兵入援。賴之。賴春子也。於是義詮陣于神南山。時氏師義與楠氏兵。還攻神南山。諸將拒戰。大敗。師義親四目旗號曰。彼非道譽乎。麾卒逼擊。赤松則祐侍義詮。呼騎兵勗之。憑高馳下。師義被傷。走尊氏在叡山。聞神南之捷。進陣東山。遣義長清氏與高經直常戰。終攻直冬于東寺。義詮軍山崎。賴章軍嵐山。絕

其糧道。直冬遂走界浦。卜戰于八幡廟。巫曰。神意不右。抗父者。諸將乃解去。尊氏迎駕歸京師。三上皇亦至自吉野。十三年四月。尊氏患癰。薨。年五十四。北朝贈從一位左大臣。以義詮襲征夷大將軍。基氏爲左馬頭。官軍乘足利氏之喪。所在並起。鎮西探題一色直氏爲菊池武光所敗。義詮遣細川繁氏代之。道病死。少貳賴尚。大友氏時。數擊武光。而新田義興謀襲鎌倉。基氏使畠山國清誘殺義興。親觀兵於入間河。關東大伏。國清說基氏曰。故將軍捐世。天下疑兩公之相忌也。臣請得將兵南定吉野。以解新將軍之意。基氏然之。發八州兵。附國清西上。十四年冬。國清入

京師。明年正月。義詮率諸將出軍。尼崎。國清進軍筒山。使弟義深別攻龍門。敗歸。又使弟義熙代攻。拔之。赤松氏範約爲內應。不成。來奔。諸將亦拔三城。遂攻楠氏赤坂。走之。楠氏奉帝匿金剛山。五月。義詮凱旋。國清之入京師。視仁木義長專橫深嫉之。乃密謂諸將曰。是役實圖義長也。彼日陣西宮。未嘗進戰。聞敗則喜。聞捷則憂。吾請從諸公誅奸臣。時細川清氏等素與義長有隙。亦同之。七月。楠氏出兵攝津。國清清氏即赴之。議返擊義長。義長聞之。遣子弟拒諸路。而自以兵守義詮。佐佐木道譽夜潛自側門入。見義詮曰。諸將所圖。而將軍右之。何也。然諸將意亦不可測。

也。今臣與義長議事於外。將軍以其間出逃西山。義詮乃稱疾作。就寢。義長罷出。會道譽來與語。至夜半。道譽去。義長入臥內白事。無答者。乃大索之。不得。其兵潰散。遂走歸伊勢。官軍乘弊並起。衆歸罪於國清。國清懼。東歸。路經義長邑。屢免而歸。義長使弟義住與石堂賴房陣葛木山。義詮令六角氏賴土岐直氏擊降義住。遂討義長。義長遂降官軍。十六年。山名氏遙應義長。攻取美作。楠氏攻取攝津。殺佐佐木秀詮。秀詮道譽孫也。初。赤松範資爲攝津守護。傳之子光範。道譽譖而奪之。又欲奪加賀於富樫氏。予之於其婿斯波氏。因細川清氏廷爭之。乃止。清氏和氏子也。

時爲執事。赤松則祐亦娶道譽女。清氏欲得則祐管内一邑以賞其戰士。道譽不許。清氏嘗設宴請義詮。道譽更爲高會請焉。義詮顧如佐佐木氏。以故兩家相惡。清氏冠其子于八幡祠。命名八幡源氏故事也。義詮猜之。會有僧善禱者。自鎌倉來。一日造佐佐木氏。從容語次及清氏託願書之事。道譽索觀其書。不復返與。明日袖適伊勢氏。請上義詮。伊勢足利氏之司傳宜者也。伊勢視其書。咒義詮基氏而自代之也。伊勢心疑之。未上也。義詮偶有疾。道譽入而視之。問曰。見清氏書邪。義詮曰。未也。召伊勢而上之。義詮因檢八幡祠。又得清氏願書。與前書同。於是陰謀誅之。

後數日。清氏詣天龍寺。多率甲士。義詮以爲謀泄。夜遷走新熊野。撤橋而守。清氏大驚。使人訴其寃。不答。乃歸其邑。若狹留弟將氏以明無異志。不聽。十月義詮遣兵討清氏。清氏南走。因石堂賴房降官軍。畠山國清亦叛基氏。國清之西也。關東將士多亡歸者。國清盡收其邑。將士連署訴之基氏。基氏誚國清。國清懼。走伊豆。弟義深走信濃。並起兵。應官軍。清氏奏足利氏兵。東拒義長。西拒時氏。臣請乘其虛。克復京師。詔許之。十二月。清氏賴房等北上。諸將不敢邀擊。義詮與道譽挾北帝。走近江。義詮子春玉猶幼。爲從者所抱。走南禪寺。僧良芳匿之。衣被中。送致赤松則祐。

則祐奉之白旗城而引兵入援遣弟氏範襲行宮姪範實與足利高經等從義詮於近江凡一萬餘騎而無附清氏者十七年正月清氏遁去義詮乃歸京師初道譽將走洒掃其第大壺貯酒留二僧誠曰來者攜之已而楠正儀來僧迎攜之清氏欲毀其第正儀不肯留鎧刀謝而去時人稱道譽老手博得正儀鎧刀傳以為笑清氏走讚岐圖再舉山名師義出兵為援義詮令細川賴之擊清氏今川貞世擊師義師義糧盡而走清氏與弟氏春等據白峯官軍將中院氏據西長尾遠近競起應之賴之方在備中七月航歸歌津先遣其母說清氏曰公蒙讒而逃僕亮其心雖

然自棄舊勳割離親戚公亦何忍也今苟改圖則聽公自新邑上如故僕為公保之清氏問答累日中國兵追附賴之城壘全成乃絕清氏召其將新開直行曰彼主我客客利速戰汝向長尾使彼分兵而潛歸與吾夾攻清氏清氏慄悍獨身輕出一戰可擒直行乃以兵五百行縱火向長尾清氏曰長尾陷則敵出我背不可不救遣氏春以千餘騎赴救直行射戰至暮列炬而潛還黎明與賴之攻白峯呼譟挑戰清氏輕甲馳出馬負箭殫與兩騎搏而死氏春覺直行去追之途望白峯皆賴之旗幟矣乃走和泉長尾不攻而陷四國盡定而國清義深又降於基氏基氏將誅

之國清西走。降官軍不許。終餓死。義深脫走。後降義詮。於是降者相踵。大內弘世久屬官軍。略取周防長門。乃舉二國來降。十九年。山名時氏。仁木義長。石堂賴房。吉良滿貞等皆降。義詮皆宥其罪。基氏亦思上杉憲顯之有已也。招之信濃。授以越後守護。逐舊守護清禪可。禪可拒憲顯不克。走下野。已而基氏召憲顯於鎌倉。禪可又要擊之。基氏怒。自將討之。大戰于苦林^{ニカハマレ}。破之。禪可遁走。乃以憲顯執事。以代畠山國清。細川清氏之敗。衆推斯波氏^{シバ}。因代執事焉。氏因高經子。道譽婿也。高經短氏。因薦後妻子。義將執事而已。決之高經及親北條氏盛時。衆期其治平。已而所為

多失人望。初尊氏直義賦文武邑入五十分。充軍興費。高經倍之。如建武故事。衆怨之。義詮造坊門第。課諸將助工。赤松則祐功。緩高經罰。奪其邑一所。造五條橋。道譽董役。徵京師戶租。久而不成。高經捐私金立成之。後高經宴諸將於幕府。道譽乃託事不會。而私張伎樂于大原。高經御之。會道譽不納賦。二歲。因奪其攝津守護。道譽終與則祐等。共譖高經。義詮即密徵兵備之。高經入見。訴寃。義詮慰解。遣歸越前。二十一年。十月。遣山名時氏。畠山義深等。攻高經父子。二十二年。七月。高經病死。義將降。高經既死。義詮欲以道譽執事。基氏薦細川賴之代之。更稱執事。曰

滑稽
史記樽里子傳
滑稽多智注
滑稽也稽也
辭捷之人倒是非
也

二十四年
二十四年
二十四年
二十四年
二十四年
二十四年
二十四年
二十四年

管領十二月。義詮有疾。使幼子春王監政。是為義滿。義詮
遂薨。義詮官至正二位。大約言。是歲夏。基氏亦病卒。基氏
官至從二位左兵衛督。基氏材武。為義詮鎮關東。使不失
尊氏舊業。時論惜之。其子金上嗣立。是為氏滿。二十二年。
義滿立甫十歲。細川賴之為管領。初。義詮臨終。撫義滿。
謂賴之曰。予汝一子。又指賴之。謂義滿曰。予汝一父。賴之
既以遺託。輔幼主。內外望治。乃擇方正之士。文武備具者。
待其左右。又擇滑稽者數人。削髮穿大袴。佩長刀。大巾。目
以童坊。出入府中。為將士弄客。將士中有便佞者。賴之輒
使其所善。眾呼之曰。有髮童坊。以斬辱之。更相懲戒。上風

大革。賴之又作五箴。授將士曰。毋偏愛憎。毋修恩仇。毋枉
是非。毋僥倖。毋私匿。又使今川小笠原伊勢三氏。草將府
禮式。檢尊氏義詮所下文書。其出於高氏。佐木氏。宣達
者。漸收奪之。世稱基氏善知人。義詮善任人。云。基氏臨終。
亦託氏滿於上杉憲顯曰。謹奉京師約束。莫或倍畔。氏滿
少於義滿。歲憲顯盡心輔翼。關東倚安焉。二十三年。義
滿冠賴之為賓。為義滿遂舉征夷大將軍。是歲。上杉憲顯
病卒。義子能憲代為執事。先是有平一揆者。叛。據河越。憲
顯奉氏滿討滅之。守都宮氏叛。又擊平之。及能憲代執事。
新田義宗等起兵。能憲與弟憲春。擊獲義宗。建德二年。菊

池武敏起兵肥後。賴之以令川貞世為鎮。而探題令大內義弘助焉。以備之。又命弟賴元助南朝降將。以攻吉野。文中元年。北朝太子受禪。是為後圓融帝。二年。遣細川氏春攻吉野。獲藤原隆俊。是歲。直冬自石見來降。義滿起第于室町。稱花御所。造四足門。天授四年。徙居焉。五年。義滿出軍于東大寺。遣山名義理。山名氏清南侵。拔上九城。益召兵於近江美濃。美濃土岐康行叛。因又召兵於鎌倉討之。是時。憲春為鎌倉執事。遣其弟憲方將兵而西。會康行降乃止。而氏滿聞將士多怨。望義滿者。止竊有異謀。謀寢池義滿。招還南師。潛賜手書於憲春。諫氏滿。氏滿弗聽。憲春

憂懣自殺。氏滿驚悔。謀遂解。以憲方為執事。上杉細川二氏久執權於東西。義滿漸長。頗忌賴之。近臣從而惡之。四月。義滿集兵於幕府。遣使者就賴之第。罷職就國。以斯波義將代為管領。賴之即日上途。尋削髮。號常久。作詩曰。人生五十愧無功。花木春過夏已中。滿室蒼蠅掃難去。起壽禪榻臥清風。已而義滿思其勲勞。命總管南海馬六。山名氏清大破官軍于南海。弘和元年。又大破之。南海盡定。獨吉野隸南朝而已。是歲。北朝太子受禪。是為後小松帝。三年。帝幸室町第。元中四年。帝冠義滿理髮。攝政藤原良基加冠。以為恒例。良基歷仕六朝。中立自全。最與義滿親

善五年。義滿遊紀伊及駿河。圖東南也。六年。又欲圖西海。遊巖島。召見賴之。命具舟赴鎮西。遇風而還。至讚岐。乃屏人與語。久之。賴之感涕而出。義滿遂歸京師。當是時。四方漸定。諸宿將如赤松則祐。佐佐木道譽。前後死亡。其嗣皆孱。獨山名氏聲威甚熾。初。山名時氏叛。略取五州。降。因為其守護焉。八子。師義。義理。時義。氏清。氏冬。義數。高義。氏重。皆顯於世。富最諸將。世相語曰。欲大其家。莫善於叛。人義理。氏清。又攻取南海。九山。名氏所管。跨十州。世呼曰六分一氏。謂六分海內。而有其一也。義滿惡之。常陰計誅鋤之。時義承師義後。其二子。時熙。氏幸。分襲。但馬伯耆守護。師

義子滿幸。浸潛之。欲奪其國。七年。義滿命氏清。與滿幸赴討。時熙。氏幸。氏清臨發。請曰。彼降而可赦。則臣先諭之。使來不必赴討也。義滿曰。降不赦也。乃往。擊走之。義滿因分賜二州於氏清。滿幸。又令細川賴之討平備中。八年。春。召賴之京師。以其養子賴元為管領。而賴之決事焉。會時熙。氏幸來訴。冤。義滿欲許之。十月。氏清請義滿於宇治別第。觀紅樹。先期一夕。氏清發和泉。北上。將視具也。滿幸邀之。定告曰。如聞幕議。復時熙。氏幸舊領。詰朝之會。將面命之也。公宜稱疾辭會。氏清怒曰。何與去歲言相反也。被輕侮如此。何拜趨之為。乃使人要義滿於途曰。臣俄獲疾。不能

迎候。義滿已至宇治。迴駕而歸。一行驚異。滿幸娶氏清女。尤見親愛。所言皆聽。自在京師。而總管四州。管內有上皇邑。奪而并之。義滿數下教還納。滿幸佯迎上皇使。而陰誡邑人逐之。義滿大怒。命滿幸罷就國。曰。汝宿衛無益。宜去。據汝國。十一月。滿幸歸丹後。京師指目快之。滿幸慚恚。潛往界城。說氏清曰。近日之政。公謂之何。去歲使吾曹討時。熙氏卒。而今歲赦之。將及討吾曹。是非剪枝絕根之計乎。今闔族戮力。以舉大事。在京諸將。誰能敵我。苟得取京師。附者必多。如土岐富樫諸族。方懷怨望。必先聚來屬。公速揚兵。以除細川氏為辭。事無不成矣。氏清素有異志。自負

材武。土岐康行之叛也。義滿卽討平之。氏清聞而笑曰。康行易與耳。至如乃公自不然也。於是遂納滿幸言。合謀約期而別。各自集兵。欲夾攻幕府。幕府未之覺也。議曰。氏清亡狀。不可不謹責。而事端於復邑。邑不果復。則是予奪聽於下也。於是果復時熙氏幸之邑。遂議討氏清。氏清聞之。故使使謝前日之罪者。再三。義滿徵誓書。有之事卒解。十月。丹後人上變。告滿幸反。幕府未信。畠山基國將遊佐某。又自河內告氏清大修戰具。將發。基國。義深子也。已而氏冬出奔男山。義理又舉紀伊兵北嚮。於是京師大擾。義滿以書諭義理。義理不聽。於是義滿乃親臨古山。滿藤第

一無於
是二字
第一并

一作

會諸將議戰以視其嚮背。諸將皆至。衆議不決。或曰。審聽彼輩所訴以舍之。必無事矣。義滿曰。氏清蓄異志日久。今日之舉。非必有所訴。即今日舍之。明日復反。吾聞彼輕易諸君曰。幕府諸將。誰能敵我。吾為諸君恥之。不可不誅也。意彼必謂我據東山。巖岳也。吾乃親出陣東寺。而諸君盛兵於內野。彼見內野軍必來衝焉。則鼓螺相應夾而擊之。可一戰而滅也。衆皆然之。一色詮範進曰。臣敢獻異議。夫元帥在後。諸將前進。是戰之宜也。前議及之。且東寺內野地勢隔絕。難於策應。不如諸將陣內野。屯一隊于東寺。而以臣第為牙營。則彼必悉銳赴我中軍。其雋可獲也。彼即

自東洞院北上乎。則諸將迭出。要之街巷中。東寺兵尾擊其後。可以廢之。義滿曰。善。明早遣今川泰範六角滿高。以八百騎據東寺。而自與弟滿詮率三千騎出陣于詮範堀川第。烏帽直垂帶刀而不甲。討家僕之禮也。諸將皆偏甲。以次而前。細川賴之。細川賴元。畠山基國。赤松義則。備其西北。佐佐木高詮。斯波義重。備其西南。以大內義弘為先鋒。兵凡五千餘。環內野而陣。初氏清滿幸期是月二十七日入京師。而遊佐某塞河內岳山。以要氏清兵。兵後期二日至男山。氏清在男山。召其宰小林時直。謂曰。吾為新田氏支族。即代足利氏。誰為不可。吾得為將軍。以汝執事。時

直流涕曰。臣欲諫止此舉。而久被疏斥。乃今日得見耳。今諸將之富。誰如君家者。昔恩舉事。神豈右之。即獲克乎。諸將安能為我下。臣感嚮背焉。獨有前死而已。若夫執事職。則命之他人。氏清退。囑義數曰。時直意色甚決。汝與之耦。無使浪死。義數意亦欲速死。唯唯而退。滿車臣大足。某亦諫滿幸。滿幸不聽。即夜。氏清以二千騎。浮橋濟淀。使氏冬以三百騎。遠鳥羽路會軍。而滿幸千餘騎。濟梅津。欲自後應之。已而滿幸夜迷失道。氏冬軍又無鄉導。徑淖中。相驚而退。氏清待報不至。乃遣義數時直先進。呼諫逼義弘。義弘陣大宮。謂其兵曰。我曹數樹功於鎮西。至戰上國。今日

千餘騎
一作十
騎餘

為始。汝等最之。縱射手五百。而三百騎下馬。擁進。接戰數合。死傷相當。義數時直。顧馳義滿軍。義弘曰。使敵隻騎過我營而北。我之罪也。走而遮之。手揮鎗刀。斬時直。義數得聞。止馳。踰垣而墜。為牙兵所獲。義弘馳赴中軍。上言曰。臣殊死戰。而氏清大兵繼至。請賜援兵。將軍張臣。誰繼臣者。義滿視其鎧馬朱殷。壯之。手賜佩刀。曰。更以此一戰。因摩義則赴援。滿幸至梅津。聞大宮戰已酣。則疾進。與賴之基國戰。高詮來援。擊土屋黨。殲之。斬人足。而基國等兵不利。義滿親赴援之。大呼曰。盍速梟豎子。諸將爭進。滿幸遂敗走。義數滿幸既敗。敗卒走。報之於氏清。氏清乃與氏冬合

日本外史

卷之七

三十一

而進。義則逆戰。其弟滿則死之。山名時熙以事端起。自己也。力戰當氏清。悉亡其兵。走歸於義弘。義弘義則交馳使乞援於義滿。義滿顧左右無可遣者。詮範以軍吏在麾下。自請而往。勝敗未決。於是義滿建牙旗而進。氏清兵望見曰。將軍至矣。乃潰奔。詮範與子滿範注目氏清前鬪。遂斬之。及其義兒辰房。辰房氏重子也。氏清首至麾下。義滿顧謂衆曰。諸君視謀反逆者終如何也。時十二月晦日也。明年正月。割山名氏地賞諸將。賜和泉紀伊於義弘。隱岐出雲於高詮。美作於義則。丹波於賴元。山城於基國。賜詮範以今富莊。義則則祐子。高詮道譽曾孫也。時北朝年號明

德。謂之明德之役。滿幸之走也。有詔而止之者。為不聞而逃。二月。歸伯耆。使其將鹽治師高守出雲。高詮將吏來誘以利。師高答曰。山名氏所以至此者。失義於足利氏也。吾亦不欲失義於山名氏。吾父分自與吾異。將出應命。幸而視之。乃諭其父出降。送至城下。既訣而自殺。曰。吾不忍與父鬪。城乃陷。其兵走。報滿幸。滿幸聞氏冬在因幡。又走歸之。氏冬素有降志。欲迎擊滿幸以籍口。滿幸終削髮。逃鎮西。後氏清五歲而被獲。誅。氏清有二子。滿氏時清。初以父命逃。欲歸滿幸而不相遇。亦削髮南走。欲見其母。母慍不見。伏及死。二子走。歸義理。義理乞降。義滿不許。令義弘之

國紀伊人盡附義弘。義理航海逃。氏冬乞降。陳其初無叛志。特許之。於是事即定。三月。義滿欲率諸將賀捷于男山。細川賴之疾篤。義滿止行。使賴元問其所欲言。賴之答曰。近者山名氏族動。蔑教令。臣常憂之。人既獲焉。天下誰復為將軍之患者。臣可以瞑也。乃卒。義滿親臨其喪。垂泣送之。為手寫佛經。又設法會于內野。弔陣亡將士。初。氏滿聞氏清叛。發兵將西上。為其黨援。聞其敗死。乃止。先是。新田氏餘黨小山義政。殺宇都宮基綱。氏滿遣上杉憲方。攻降義政。義政復叛。氏滿自將擊殺之。其孤釋狗。又起兵於陸奥。復攻殺之。其黨田村則義。小田五郎者。亦起兵。遣上杉

朝宗擊夷之。獲新田氏遺孽二人。送京師斬之。義滿乃加封氏滿。以陸奥出羽。今川貞世等。亦擊平少貳冬資等。於是四方大定。獨楠氏遺孽。保守大和河內之間。以為吉野藩蔽。義滿使畠山義深。大內義弘。圖之。義深盡拔楠氏城壘。吉野孤立。義弘乃以義滿意。奏請南朝。講和弭兵。駕還京師。授器北朝。則自今以後。兩統更立。猶北條氏時。帝許之。乘輿北還。義滿以北朝意。欲用來降禮。帝欲用禪讓禮。物議洶洶。六角滿高謂義滿曰。器在彼。彼乃真天皇矣。君第聽之。滿高。義滿弟。為六角氏賴子者也。義滿乃迎駕。御于大覺寺。閏十月五日。後小松天皇。受神器於後龜山天

皇。後龜山。即後醍醐皇孫也。自後醍醐南遷。凡五十有七年。而北朝五帝。改元者。自曆應至明德十有七。天下以足利氏故。概奉其正朔。至是與南朝合。物情益服焉。後小松天皇應永元年。義滿請讓征夷大將軍於長子義持。二年。義滿削髮號道義。營北山別業。使諸將助役。起金閣。四年。徙焉。義持居室町第。而內外之事。取決於北山。十一月。氏滿卒。子滿兼襲關東管領。當是時。足利氏威及外國。朝鮮數遣使者。鄭夢周等。造今川貞世。請修隣好。是歲。使者遂來京師。義滿使大內義弘接待之。義弘嘗說貞世曰。方今之勢。弱者被誅。強者免禍。公盍與我及大友氏連兵。以自

強。貞世不聽。義弘反與斯波義時等。俱譖貞世。義滿乃更貞世約束。九國皆危疑。菊池大村氏並起兵。義弘擊平之。兵力益強。陰與滿兼合謀。東西相援。以圖義滿。六年。滿兼密招貞世。貞世封其書上。義滿召義弘。義弘不來。十月。義弘遂帥周防長門諸國兵。至畷城。上岐詮直起美濃。京極某起近江山。名氏清二子起川後。並應義弘。而滿兼亦出陣武藏府。宣言援義滿。義滿於是急召貞世曰。吾愧見公也。時幕府兵寡。上岐賴益。六角滿高等。往討美濃近江。在者皆不堪戰。義弘曰。氏清唯攻京師。自疲兵馬。所以敗也。因為守計。修塹壘。起樓櫓。自巡視曰。雖有百萬衆。不

按義弘
嘗與前
死於戰

能拔已。義滿先遣僧中津。詰起兵之由。義弘對曰。吾自十
六歲在鎮西。大小二十八戰。夷氏清。媾南朝。功勞匪尠。昨
年之役。介弟又沒。而幕下不恤其孤也。且聞有削國之議。
密令少貳菊池誅我。而頻頻召我。我不能無疑。吾已與鎌
倉公約。將入諫。幕下虐政也。中津歸報。義滿笑曰。奴輩自
負其強。不知乃公實使然焉。乃自率管領以下諸將。出陣
東寺。遂進至男山。近畿將士來集者三萬餘騎。以細川賴
元等十一將將之。往攻畷城。城甚堅固。義滿令諸將息戰。
築長圍。至十二月。乃縱火四面而進。樓櫓皆倒。大戰良久。
義弘走出。誤入管領畷山基國軍。基國子滿家與鬪。斬之。

義滿乃賜紀伊於滿家。賴元子滿元有功。賜之和泉。謂之
應永之役。上岐詮直等皆平。初詮直之舅曰康行。康行者
賴康子也。天授中。襲美濃守。護其弟滿貞在京師。欲奪元
職。譖曰。詮直謀反。康行助之。義滿遣滿貞及從弟賴益往
討降之。宥康行。遂詮直以故。詮直遂死於叛。近畿既平。滿
兼乃引兵還鎌倉。義滿謀知其謀。或因問貞世曰。貞世子
弟留守遠江者與謀焉。彼曩被命。不即來者以是。貞世懼
走歸遠江。義滿怒。欲討貞世。以及滿兼。滿兼執事。上杉朝
宗百方講和。義滿乃賜滿兼以足利莊。凡與謀者皆釋不
問。貞世退居藤澤。上杉憲定使人謂貞世曰。子之退居。適

足以招疑耳。貞世乃歸遠江。憲定。憲方子也。已而義滿思其切勞。召至京師。待之如初。踰歲而卒。貞世頗涉書史。著書譏切時政。往往有中云。初貞世父範。國仕尊氏。為駿河遠江守護。命貞世襲領。貞世不受。使兄範氏領駿河。義至。姪氏家姪孫泰範及義滿時。乃割駿河數郡。加賜貞世。泰範意貞世所請。與義弘俱譖之。至是。義滿終令貞世養子。仲秋。襲領遠江。如細川賴元故事。七年。大內義弘子持盛來降。以其嘗諫父宥之。削其封之半。義滿性豪侈。而數平亂。逆志益驕。待將帥甚倨。朝臣往來其家者。或以家諫。遇之。其削髮之歲。適叡山。儀准。法皇御幸。又喜土木。創寶幢。

相國諸禪寺。定為五山。置僧錄司僧中津妙範。祖阿周信等。皆見厚遇。先是我西南不逞之徒。侵擾外國。義詮時。元主令韓人來請。為戢之。元亡。明興。明主元璋亦數托僧來請。八年九月。義滿私遣祖阿通好於明。參議菅原秀長草書。書辭甚恭。九年。明主使僧道彝齋書及冠服。封義滿為日本國王。義滿受之。至足利氏中世。使聘往來。皆以王稱。義滿又多內嬖。生少子義嗣。愛之。欲廢義持。未果。先是。帝再幸室町。第十五。年。三月。請幸北山。義滿自被法服。攜義嗣奉迎。拜義嗣為五位左馬頭。遷四位少將。四月。冠于宮中。儀准親王。自是嫡庶不相善。識者譏之。然尊氏義詮之

世諸將狃恩叛服無常自氏清義弘伏誅無不畏服者世稱義滿生歲戊戌字皆從戈故能以戈戰平天下也

日本外史卷七終

日本外史卷八

足利氏正記

五月義滿薨義滿初敘從五位下任左馬頭累遷從一位左大臣兼右近衛大將右馬寮御監終至太政大臣准宮初久我氏為源氏長者允淳和并學兩院別當至義滿時乃屬之於足利氏終足利氏之世其官爵敘任例概如此而至太政大臣者止於義滿義滿之薨詔贈太上皇號義持惶懼辭不受明主諡義滿曰恭獻王義持受之明年六月滿兼卒初氏滿至從三位左兵衛督而滿兼以從四

一無終
宇遂作

位下左兵衛佐終。遂以爲例。滿兼二子。持氏。持仲。持氏爲嗣。先是宇都宮氏廣爲亂。斯波持詮爲陸奥探題。擊斬之。獻首鎌倉。滿兼賜持詮以氏廣邑。以賞之。伊達政宗作亂。滿兼遣執事上杉氏憲擊平之。十八年。飛彈國司藤原尹綱兵起。義持遣京極高數擊平之。十九年。帝讓位於皇太子。是爲稱光帝。諸南朝遺臣請立後龜山。後如約。足利氏議立南朝皇胤者。非我家之志也。終不聽其請。於是諸國兵起。二十年。伊達氏懸田氏起於陸奥。持氏令畠山國詮攻之。二十一年。川畠氏關氏起於伊勢。義持令上岐損益攻之。明年皆平。當此之時。關東兵力倍於京師。而天子廢

古良城
爲二家
辨兩吉
良故元
七數又
按古良
上疑脫
兩字

立公卿易置。則京師專之威權無比。世俗呼曰公方。初義滿定幕府官政。武衛細川畠山氏更爲管領。謂之三管山。名一色京極赤松氏更爲侍所。別當謂之四職。武衛即斯波氏京極。即佐佐木氏也。武田小笠原氏更司弓馬禮式。吉良今川澁川氏更爲武者頭。伊勢氏爲奏者。謂之七頭。關東亦擬之。自稱曰公方。故上杉憲房之後。世居鎌倉山內。憲房兄重顯。其後世居扇谷。稱兩上杉。更爲管領。而故氏滿弟滿直管陸奥出羽。號曰三管。千葉小山長沼結城佐竹小田那須宇都宮八族曰八館。當持氏之時。上杉氏憲執事持氏與之有隙。氏憲辭職。以上杉憲基代之。憲基

日本外史

卷之八

二

按滿仲
即持仲

佐介一
作山内

憲定子。憲房玄孫也。氏憲重顯玄孫也。持氏叔父曰滿隆。頗有聲望。養姪滿仲為子。氏憲說滿隆曰。公方耽溺酒色。不可統師。而憲基為政。又有偏私。匡邪靖難。非君而誰。君若舉事。臣請輔之。乃矯義持教令。密招將士。將士競附。二十三年十二月。氏憲將兵奉滿隆。滿仲以圍持氏。持氏大驚。遽騎馬而走。入憲基佐介第。憲基令族氏定拒之。眾寡不敵。持氏夜出西走。從士多為追兵所殺。至藤澤道場。氏定自刃。憲基走越後。諸敗軍聞持氏在伊豆國清寺。皆來集焉。狩野介某黨於氏憲。來攻破之。持氏走駿河。依今川範忠。告急於京師。京師方流言大納言義嗣以不得立。竊

懷歛望。與氏憲通謀。欲伐義持。義持迫義嗣使削髮。幽之于相國寺。下教關東將士。令救持氏。憲基起兵越後。江戶氏豐島氏二階堂氏並起兵武藏。以討氏憲。氏憲遣兵攻之。敗歸。氏憲婿岩松持國起兵上野。以應氏憲。二十四年正月。氏憲與持國夾攻武藏。勝而平之。既而持國驕恣。將士離心。氏憲終敗歸。而附持氏者曰眾持氏。乃以今川氏大森氏葛山氏兵攻鎌倉。復之。滿隆滿仲氏憲及氏憲宰長尾氏春等皆自殺于雪下僧舍。持國聚殘兵。與持氏將舞木宮內戰。兵敗被擒。明年。義嗣暴卒。二十九年。佐竹某叛持氏。持氏與戰于比企谷。斬之。小栗滿重守都宮持綱。

又叛據結城持氏令上杉氏小山氏擊之明年持氏自將
攻結城拔之斬滿重持綱京師援軍至駿河聞事平而歸
持氏凱旋至武藏府聞義持庇故氏憲孤子某也怨之有
畔心欲移兵西上三十一年三月義持遣僧服西堂至武
藏諭持氏弭兵持氏不聽西堂往來辯說請義持持氏約
為父子至九月和成持氏乃歸鎌倉義持性愉惰時會京
畿無事以游宴為事使三管四職吏治具招請先是一歲
讓軍職於長子義量而自削髮稱道詮三十二年義量卒
義持再聽政龍赤松持貞持貞貞範孫也初貞範弟則祐
以功領播磨備前美作以傳於子義則三十四年義則卒

四子則友滿祐祐之義雅則友大滿祐為嗣襲領三州義
持欲削其所領予之持貞滿祐怒自焚其第奔歸播磨義
持遣細川持元山名滿熙往擊之諸將多與滿祐連姻不
欲社十月連署訴持貞亡狀義持不得已令持貞自裁而
赦滿祐歸京師義持疾作正長元年十一月薨至內大臣右
近衛大將從位初義持有八弟懲義嗣之禍皆以為僧
及義持疾篤無嗣子幕議或欲擇其一人為嗣或屬意於
持氏持氏亦莫立管領畠山滿家建議不若質之神也自
赴石清水祠關之得義圓義圓者義持第三弟為青蓮院
僧正於是蓄髮及義持薨入室町為喪主三月敘爵以其

幕
作

晏如馬 晏晚也加馬駁之
天子崩為晏駕
者臣子之心猶
官車當駕而駁
出也

髮猶短。裹頭以見諸將。更名義宣。後更義教。七月。稱光帝崩。義教迎崇光帝曾孫於伏見。立之。初崇光南遷。後光嚴以太弟即位。崇光還居伏見。欲立其子榮仁。囑之於細川賴之。賴之不奉詔。立後圓融。以至於帝。伏見氏日微。上皇憫之。下宣以榮仁子貞成。為無品親王。中外皆稱有如宮車晏駕。親王必立也。帝聞之。弗懌。貞成削髮以示意焉。貞成子曰彦仁。及帝有疾。上皇與義教決議。令管領滿家迎彦仁。立之。是為後花園帝。後龜山皇子奠立而不得。怒奔伊勢。明年。北畠氏越智氏並起兵。義教令土岐持數攻北畠氏。破之。以皇子歸。實之嗟峨。今畠山持國攻越智氏於

高島城。未能下。是歲改元永享。朝議謂正長之號於王室將家。皆為凶也。而持氏愠不得為將軍。猶私用正長曰。吾何屈於還俗將軍乎。義教亦自知天下多不服已者。銳意為政。待諸將不假辭色。軍國之事。多所釐革。二年。徙鎮西豪傑。以充京師。又欲圖東南。三年。遊伊勢。及紀伊。四年。遊駿河。館今川範政。宣言觀岳。是時。越智氏猶據高島城。城固不拔者數歲。義教益遣兵攻之。義教學武技。從小笠原政康受射。八年。政康與村上賴清鬪于信濃。賴清輒敗。乞援於鎌倉。持氏欲援之。憲基子憲實為執事。諫曰。彼非我管國也。何關我事哉。且我援賴清。則將軍必援政康。是以

日本外史 卷之八

兄弟之邦。開天下之爭也。持氏憚憲實權力。勉從之。上杉
憲直。一色直兼。有寵於持氏。因間憲實。明年四月。持氏令
憲直直兼。託援賴清。徵兵於武藏。欲誅憲實。府下騷擾。兵
士大集於山內。持氏懼。自往山內。面諭憲實。歸罪於憲直。
逐之。憲直逃入藤澤寺。事輒釋。十年。持氏冠其子賢王。欲
行禮于鶴岡祠。如遠祖義家故事。憲實又爭曰。冠于室町。
受將軍偏諱。禮也。自先公三世。以為恒焉。今君乃變
之。不可。持氏曰。還俗將軍。何足冠。吾子哉。冠吾子者。非
今上。則伏見龜山王而已。遂冠祠前。命名義久。諸將皆
入賀之。獨憲實稱疾不入。賀持氏怒。欲發兵攻憲實。憲實

今君一作今若

乃奔上野。據平井城。明日。持氏即遣一色時永將兵往討
憲實。遂留三浦時高輔。義久守鎌倉。而自將出陣武藏府。
憲實告急於義教。義教奏請討持氏。一行詔副以教書。使
故上杉氏憲二子持房。教朝齎之。以徇東北。三道東海東
山兵。從持房。自箱根進。北陸兵。從教朝。直赴平井。合於憲
實。而南下。陣于分陪。持氏分兵拒之。九月。持房等與持氏
兵戰于箱根。不利。又戰于早川。旣破之。進逼鎌倉。十月。三
浦時高叛持氏。攻義久。義久與祖叔父滿貞。走匿扇谷。梁
田某。名塚某。力戰死之。其他將士皆率歸憲實。持氏窮蹙。
十一月。持氏遂削髮乞降。憲實使長尾芳傳。徙持氏于永

安寺置兵監守。迫憲直直兼使自殺。盡殺其從士。自與關東將士連署請義教有持氏死。使者十餘反。義教竟弗聽。十一年正月。憲實以義教令遣兵。令諸軍圍永安寺。持氏縱火寺塔。與其妻俱自殺。義久滿貞皆死。持氏少子二人。曰春王安王。皆髻鬣。為乳母長尾氏所挈。遁走日光山。義教遣使鎌倉。勞諸將。以憲實管領東國。憲實恐負殺君之名也。自往永安寺。伏謝于持氏影前。抽刀將自殺。為從者所止。不果。乃削髮。退居國清寺。使弟清方與教朝同行。管領事。四索持氏餘黨。十二年正月。春王安王潛遣使諭結城氏朝。曰。請假子之力。擊上杉氏。以復父仇。氏朝謂其將

無君

上曰。吾被佐公恩眷。而不能救其死。今兩郎君託我以大事。是武人之榮也。吾其可不出力。生死以之。乃令其子光久迎致。二孤因大聚宗族。修結城古河二城。分兵守之。持氏遺臣。色野川大井。古見諸族。並起應之。事聞京師。義教授旗於持房。赴鎌倉。再發東國兵。以助清方。七月。清方將諸軍圍結城。氏朝力拒。數破上杉氏軍。義教益發兵。又起憲實視師。憲實辭弗聽。憲實乃率東北三道兵攻氏朝。氏朝勉厲士卒。嬰城固守。憲實等不能拔也。當是時。越智氏城已陷。而北畠氏復起兵。義教使人就講和焉。曰。吾定關東。然後剪滅之。義教李弟為僧。曰義昭。後龜山皇子在

等輩作

嵯峨大覺寺者。義昭與之親善。於是義昭說皇子曰。東西兵亂。皇子欲復舊業。是時為可。北畠氏雖既和。聞皇子起。必復起兵上岐。色輩皆怨將軍。其來附必矣。又密使人約菊池大村諸族起兵。遙為聲援。菊池答曰。結城不下二歲者。天下必動搖。可以乘而起也。義昭乃閉門蓄髮。義教怪其久不出。廉問知實。乃遣兵且捕之。義昭逃亡。不知所之。乃圖其形索諸國。購以千金。嘉吉元年三月。義教詣伊勢神祠。疑北畠氏匿義昭。親觀察之也。四月。結城古河皆陷。氏朝父子戰死。城兵悉死之。以脫二孤。二孤逃走。為上杉氏兵所獲。獨持氏季子永壽王。走信濃。氏朝季子成朝。

走常陸。上杉氏兵檻二孤而西。五月。薩摩人亦獲義昭首。而東先。至京師。首壞。敗不可辨。義教召義昭所昵童子。視之。童子曰。果僧正。則其二齒缺矣。驗之。果然。義教大喜。乃遣使者迎二孤。戮于途。遇之垂水。護將長尾某。乃入道傍佛寺。進浴。二孤亦知其意。正坐受刃。春王年十三。安王年十一。首至京師。義教召其乳母。問持氏子猶在乎。乳母不答。嚙舌而死。初。尊氏與直義謀曰。義詮不武。難以寄重任。宜令基氏領關東。以鎮護之。乃立基氏輔義詮。曰。子子孫孫相輔。勿相背也。然義滿。義持皆有滅鎌倉之志。至義教乃能成之云。基氏之家既敗。而義詮之家亦自是亂。

矣。義教爲人猜暴。以盛氣馭下。旣滅關東。意益驕。自謂爲父祖所不能爲。天下無復足畏者。先是義教襲職而三歲。侍女三人有罪賜死。赤松滿祐女與焉。或曰滿祐怨望。有異心。義教聞而囚之。滿祐逃奔播磨。遣兵攻之。滿祐力窮。削髮出降。宥之。其七歲。遣一色義貫上岐持賴。攻越智氏。義教嬖如小解者。其家與一色氏有怨。因讒義貫通款越智氏。義教卽命武田信榮就軍中誅義貫。夷其族。又疑持賴命細川持常殺之。諸將士人人自危。而滿祐最疑懼。滿祐之與持貞爭也。及持貞死。遂并其邑。持貞兄子貞村幼喪父。邑除義教見其美姿容。收爲近侍。甚寵之。曰家兄此

矮
一作

其庶吾則庇其嫡自有別也。因疏斥滿祐。滿祐形貌矮陋。義教戲呼之曰三尺入道。滿祐嘗侍宴醉舞。謠曰。軀矮勿侮。三國之主。義教愈憎之。義教畜猴。母滿祐。輒使人放猴爬其面。滿祐拔刀斬之。心深怨義教。而不形顏色。時幕府多怪。有狐夜鳴屋上。宿直者或闕空室中。見有偶人數十爲鵜飼。鵜飼者散樂曲名也。忽而不見。義教略不加意。貞村已壯。寵之不衰。遂欲割滿祐邑予之。將就其第諭意。從容謂滿祐曰。聞汝園之鳧乳矣。可亦觀否。滿祐佯喜。請期。期六月廿四日。滿祐從子曰教祐。爲幕府近臣。微聞割邑之議。以告滿祐。滿祐大恚。於是召長子教康。家臣渥美

等議曰。吾宗積功於將家。將家遇我。亡狀非一。我伏受其制。何所底止乎。吾欲先發行大事。汝等爲我努力。教康等贊之。乃伏甲三百於第中。而請義教。義教卽往。置隨兵於門外。獨與朝貴諸將入。置酒高會。觀散樂。樂至鵜飼時已薄暮。第中有呼曰。廐馬逸矣。因急關門。門關而甲發。義教將起。教康教祐耦進。執其左右手。伏之曰。今日之事。公自取之。渥美自屏後出。揮刀斬其首。一坐拔刀起。起者輒見殺。相殺者又數十人。斯波義廉大內持世被創。越垣而逃。隨兵皆潰。滿祐旣弑義教。欲待府兵來討。戰死。而諸將士悉聚幕府。惶惑不知所出。旦日。滿祐乃以三百騎出京師。

信貫或作信賢或作信繁

至攝津中島邑。葬義教首于崇禪寺。而西歸播磨。據白旗。城自是幕府以鵜飼爲凶。不列樂府也。義教官至左大臣右近衛大將從一位。薨年四十八。七月。持世創劇卒。八月。畠山持國滿家子也。與管領細川持之等議立義教子義勝爲嗣。甫八歲。天子詔義勝討滿祐。乃遣細川持常赤松貞村武田信貫自播磨山名持豐山名教之山名教清自美作兵凡五萬人。滿祐聞貞村來。大喜曰。豎子來。吾所願也。乃遣兵逆擊于蟹坂。大敗之。持常與滿祐有姻。自以一軍居前。故逗撓不進。九月。持豐進至法華山。山太險。滿祐兵阨守其隘。懸巨材而俟。持豐患之。夜使土兵數千人持

一炬上其傍山。滿祐兵謂我冒嶮而入也。走而拒之。守隘之兵減。持豐則收牛數百頭。縛藁爲人。跨牛背。驅赴敵軍。精兵數百。鼓譟從之。曉自隘口進。滿祐兵以藁人爲敵。悉發其懸材。牛死而兵入。滿祐兵驚潰。持豐進入播磨。連陷諸砦。先衆至白旗城。城兵逃降。略盡。滿祐與渥美等皆自殺。乃以三國分。賜持豐等。持豐時熙孫也。教康走北畠氏。不納而死。教祐走少貳。嘉賴嘉賴納之。大內教世。持盛孫也。奉命擊破之。嘉賴教祐並走對馬。乃賞賜嘉賴邑於教世。自明德應永二役。山名大內氏皆微。至此復興。三年。義勝卒。義勝幼喜騎馬。卒墮馬死。官止於四位左中將。義勝

母。卽小淵。讒殺一色。義貫者。世稱義貫爲崇云。畠山持國爲管領。議立義勝同母弟義成。甫八歲。後改名義政。文安二年。關東將上相與其請立。故持氏子。小壽爲鎌倉主。以故憲實子龍辨執事。小壽初走信濃。依母黨人井持光。上杉氏不知也。憲實旣削髮。又與政結城心。甚愧之。及結城陷。則以其二子爲僧。攜而西奔。以自晦。匿猶有一子在伊豆。是爲龍禪。自持氏亡。關東不靖。長尾昌賢建議。欲立持氏胤子。以慰籍衆心。乃索獲小壽。請之京師。京師議許之。賜小壽名成氏。賜龍禪名憲忠。旣而結城成朝來自陸奥。仕成氏。成氏與之謀。欲修怨於上杉氏。寶德二年。謀泄。

成氏走江島。憲忠追戰于海濱。將士和解之。奉成氏歸錄倉。事纔得釋。而京師比年多虞。南國兵乘隙並起。赤松教私在朝鮮。聞亂而還。欲復其家。發覺被誅。初赤松氏亡。畠山持國謂功臣之後不當絕也。欲令故滿則子則重奉祀。曰滿則死。明德之役而則重不與。嘉吉之逆。是宜立也。赤松氏遺臣因擁則重起播磨。山名持豐聞之曰。吾樹功受封。賊黨敢欲奪之。乃將兵發。但馬擊殺。則重持國不平。持國父子擁立三將軍。官至從三位。頗驕恣。其朝政府或乘機與從騎。其下亦多犯法者。藤原兼良。藤原房嗣皆其關。白交賂於持國。其威權如此。而持豐與之抗衡。持豐削

實與
作筆與

髮曰宗全。以女妻細川勝元。勝元滿元孫也。勝元自父持元。伯父持之。與畠山氏更爲管領。以故深結持豐。以傾持國。持國無子。養姪政長爲嫡嗣。仁尾張守已而生男。義就爲右衛門佐。持國愛之。欲廢政長。其家長游佐某。數擊而兵有功。持國因命游佐輔義。就游佐同僚神保某。嫉游佐權勢。欲立政長。而用游佐。乃教政長自託於持豐。勝元。唐德三年四月。持國請義政立。義就欲誅政長。政長走匿於勝元家。使神保等依持豐。八月。畠山氏將士率屬政長。京師大騷。幕府召諸將自衛。獨持豐。勝元不往。其夜有人縱火於持國第。持國奔入。伯父滿則第。義就奔依山名。教之

日本書紀
卷之八
十一

教之不納。則入游佐家。游佐家又火。終奔河內。持國遂建仁寺。於是勝元攜政長入謁幕府。白義政曰。近日之事。臣僕機谷所爲也。九月。誅機谷以謝。而政長竟得立焉。遣兵擁持國而歸。踰歲。持國卒。義政聞。焚持國第。者持豐所爲也。十一月。召諸將。命誅持豐。勝元俄拔其衆。赴東山。舉族從之。幕府兵寡。勝元乃爲請赦持豐。持豐又謝。獻誓書。事。輒釋。乃罷持豐之國。細川成之。乘間請錄赤松氏之裔。義政許之。成之持常子也。康正元年。夏。召赤松教。弟則尚。賜之播磨。持豐怒。逆擊則尚。殺之。因怒曰。則尚之立。勝元何不沮止之。乃欲使之刺刃婦翁腹。邪。勝元無子。養持

錄一作

豐子爲嗣。已而生了。則廢之。持豐因是恨勝元也。無幾。何持豐被赦歸京師。勢威益熾。持豐長身赭面。人呼曰赭入道。時赤松氏遺臣所在伏匿。憚持豐不敢有爲。有石見者焉。仕內大臣藤原實量。常思復赤松氏。從容詔實量以其志曰。細川氏山名氏內有罅隙。臣以爲以此時附細川氏。則志或成矣。因出示尊氏與則村書。實量視書。歎曰。其祖爲將軍之父。其孫爲將軍之仇。仇讎之責。汝何以償。石見曰。今將軍立之歲。南人犯闕。奪壘。今在吉野。臣請往收復之。乃令舊僚中村某等往吉野。佯仕南朝皇子。長祿元年。中村終得殺南朝皇子。取壘還獻。義政議賞其功。勝元

贊之。賜邑於赤松。政則父性存。義雅子也。於滿祐爲姪。嘉吉之變。猶幼。依建仁寺僧龍澤而免。後生政則。甫五歲。於是賜加賀之半。持豐怒。使刺客刺殺石見。當此時。三管領。細川氏獨盛。四職山名氏獨盛。而伊勢氏權勢甲於七頭。先是。斯波義將。義重。義淳。義繼。父子相襲。其德中。義繼。大無子。以族義敏爲嗣。義敏者。義將弟。義種之曾孫也。斯波氏家有三老。曰甲斐。織田。朝倉。三老常不喜義敏。相共竊罵之。曰。新主人何無禮於舊家臣也。因伊勢貞親請廢之。貞親娶甲斐氏。則右之。爲請義政。義政欲兩和解之。三老不肯。乃諭義敏讓其子松正而自退。三年。義敏致仕。

貞親乃請立義廉。許之。義廉者。義種孫也。義敏失望。走依大內教弘。伊勢氏世掌出納。甚有權。而至義政時。尤甚。義政妻曰富子。藤原重政女也。有寵。所言莫不聽從。內謁公行。號令抵牾。而伊勢氏專權於中間。義政獨事遊宴而已。義政喜奢侈。高倉第。鄣子。間直。一萬錢。其他稱之。以故征賦十倍前代。前代借畿內富商之金。率一歲不過數次。至義政時。則一月或八九次。故事。府將府有人儀。課諸將助其費。率十歲一舉。義政五歲九舉。天下彫弊。近江土人熊谷某好學。密上書幕府。極諫義政。義政怒。曰。其言則然。而非其人矣。命貞親奪熊谷邑。逐之。先是。畠山政長。義就。

相閱河內。義政兩赦之入京師。寬正元年九月。義政命貞親逐義就。義就曰。吾顧無罪。將軍豈信讒乎。乃奔河內。義政令政長攻之。陷若江城。細川勝元請援政長。三年。勝元令族成之為假管領。將二十餘州兵赴援。義就以數百人據嶽山。金胎寺二城。擊卻京軍。而金胎寺竟陷。四年三月。京軍圍嶽山。山名是豐。以備後兵先登。與義就戰。七勝七敗。城兵疲而卻。是豐曰。我宗全子也。不拔城不已。城兵不敢出。義就揮刀身先士卒。是豐曰。義就勇士。真吾敵也。戰至日暮。乃交解。四月。嶽山陷。義就欲自殺。湯淺二郎代死。義就脫走入高野。政長攻之。又走吉野。政長凱旋。是豐歸。

語父以義就勇持豐心竒之。五年皇太子受禪。是為後上御門帝。義政亦倦政。欲辭職。而歲三土木有了也。弟義尋削髮為淨土寺門主。義政欲讓職於義尋。義尋固辭曰。近日常人情。反覆可畏。義政使人言曰。子豈有所顧慮邪。吾如他日舉男。就襤褸。即為僧耳。必不子廢也。子弟速來代我。義尋乃蓄髮。從今出川第。更名義視。將士赴謁。勝元執事焉。已而義政殊無讓職之意。六年十一月。富子生男。義尚內外慶賀。富子不忍以為僧也。日夜啼泣。願立為嗣。欲得一強援。念諸將有威力者。曰。無若楮入道者。密作書屬持豐曰。吾欲立孺子。而義視業已為嗣。勝元輔之。不可撼也。

願公爲吾圖之。持豐素恨勝元，欲立義尚而已。執事焉也。乃許諾之。因請赦義就入京師，以援已。持豐又以女許嫁斯波義廉。時義敏在周防，其妹爲句勢貞親，有寵其子松王爲僧貞蓋弟子。於是妾與貞蓋曰：請復義敏貞親，遂以教旨召義敏入京師，禁義廉朝從。收其第宅。義廉走告之持豐，持豐大怒，欲自往其第，以拒公使。家臣垣屋大田垣等交諫曰：以私姻背公命，其若之何？君蓋以其適武衛者轉適公方乎？是轉禍爲福也。君不聽。臣等當藉髮染衣住高野粉川而已，不忍視君及禍也。持豐笑曰：吾加箭於奴輩，何不可之有？赤松滿祐之弑普光公也。細川六

貞蓋或作貞蓋

角武田諸人往者如雲，大敗於蟹坂，路阻不進。然而自但馬口入一戰，梟逆賊首，以報將軍仇者，諱乎？然未幾，何召賊餘孽奪我功，曰予之。吾聞父讎不與其戴天田大野人猶知此義，今不疾父讎而疾報仇者，欲奪此以予彼如此。公方真可賴也。饒令吾背公命，而若輩謹慎以納媚焉。何必高野粉川之。因拂衣而入，大聲罵曰：大姓有可罰者，當告管領，誅諸將，以決其議。貞親一豎子，敢進退三職，欲使武衛之家亦踵高山氏之禍。禍敗之至，真不可測。今日在彼，明日在我，我必往。與義廉共生死耳。於是山名氏家臣咸決意修兵京師，訛言今出川氏亦右義廉，義親懼，乃

走入勝元第。有人告貞親曰：細川山名奉命來討。四月，貞親東奔伊勢。義政北奔越前。諸將連署請誅貞親。曰：貞親不伏誅，則羣臣不復能朝。從。義政不得已聽之。使人諭解義親。於是持豐復請赦義就。義政許之。持豐喜，使使報義就。義就在熊野得報，即發。九月，入河內。政長部將守若江城，怖棄城走。義就盡定河內。十一月，入京師。謁幕府，徑詣謝持豐，極歡而出。或夜書義就門，曰：右衛門佐，拜戴口物。御所之孟山名之足。義就謂勝元政長之黨所為也。明年，改元應仁。故事，厚歲首，管領以下更饗將軍。是時，政長為管領。十一月，政長治具，請義政。義政不往。政長驚曰：吾

勤仕異等，饒使不蒙褒賞，何遽至被踈斥？蓋宗全義就讒言所致也。義就聞之，大喜曰：彼已為將軍所踈斥，當往驅逐之。政長家宰仲保長誠請政長修守備。十五日，持豐饗義政畢，聚義就、義廉等諸將，圍幕府而請曰：義就既被赦，當移住本第。而勝元右政長以梗公命請詰問之。義政乃遣使問勝元。勝元曰：臣將自往答矣。使者還報，幕府戒嚴。兵聚細川氏者可一萬。義就等亦聚兵於幕府。義政出，令曰：政長義就獨身決戰，諸將毋得援。持豐怒曰：三日請之一朝失之，如何？義就曰：獨身決戰，吾所願已。旦日僕當以手兵赴攻。諸君傍觀勝敗何如。於是諸將皆奉令。勝元弗

背。義政令細川教春往諭勝元曰。不奉令者叛也。勝元歎息久之。乃答曰。賴春死國難。賴之輔幼主。以至於臣六七世。未嘗倍叛也。今寧背友誼。不忍被叛名。當謹奉令耳。長誠聞之。謂政長曰。右京大夫已不援我。我孤立矣。義就自幕府來。諸將豈無潛援之者。木第平夷。不可拒守。為今計者。宜據上御靈林。南負相國寺。西依大夫第。戰即不利。大夫豈坐視乎。且大夫家老安富元。綱與臣親善。即使大夫不援。而元綱必來也。政長然之。乃燒其第。以六千人出。從士以為奔也。行道亡。比至御靈林。裁二千人而已。義就曰。兵利在乘勝。是不可失矣。十八日。侵晨赴之。時方雪。兵凍

不輒前。政長兵亂射斃數百人。而義廉等潛來助義。就政長苦戰。細川氏闔門不敢出援。長誠使人言元綱曰。自旦戰至暮。我兵疲矣。不敢望援兵。特請惠一尊酒。將與主公訣飲。自裁。元綱不答。政長夜縱火祠宇。穿林而逃。義就入。觀宇下有二屍。曰。尾張守死矣。乃凱旋。持豐人喜。散遣其兵。世嗤勝元不援政長也。論曰。細川宜改州股川。害尾張者是此川。勝元愧之。閉門不出。叔父持賢數激怒之。時勝元第在東。持豐第在西。以夾室。町府。義視往來。二人間和。解之。勝元陽服從之。持豐意益驕。不復設備。勝元窺之。潛發兵諸國。勝元自發其所管攝津丹後土佐讚岐之兵。族

政之以阿波參河師春以備中元春以和泉政春以淡路
斯波義敏以越中畠山政長以紀伊河內京極持清以隱
岐出雲飛彈近江赤松政則以播磨備前美作武田國信
以安藝若狹並屬勝元兵凡十六萬餘人議曰幕府門前
有一色義直第與西陣相接而為之守我今遣一將陣實
相院以隔絕之則義直必怖而走我可以取幕府也五月
二十四日遣武田國信等陣焉義直果走勝元乃入幕府
請將軍牙旗樹之四足門又迎義視置府中今將士屯諸
街巷以討持豐持豐聞之曰悔為豎子所先於是亦發兵
持豐自發其所管但馬播磨因幡之兵族教之以伯耆備

義統一
作義純

前教清以美作石見斯波義廉以越前尾張遠江畠山義
就以大和河內紀伊畠山義統以能登六角高賴以近江
一色義直以月波伊勢土佐土岐成賴以美濃並屬持豐
兵凡十萬餘人山名是豐與勝元約為父子以故獨屬
東陣西陣造垣屋攻實相院遣大田垣守東面前壘京師
人民負擔奔竄後二日細川氏兵攻前壘發火箭燒而走
之持豐遣義廉教之攻師春大宮第師春乞援於勝元勝
元乃遣持清將萬人過辰橋未陣義廉將鹿草朝倉等呼
譟薄之持清真卻遂人奔爭橋而墮者數千人政則曰備
中守孤軍嬰壁不援之者非士也勒三百騎自猪熊巷赴

教春
作政春

援擊走義廉兵。拔師春入政之村雲第。山名氏兵躡之。縱
火第外。戰煙談中。如此者兩晝夜。伏屍填塞街衢。六月。東
西陣交解而退。東陣據相國寺。西陣據武衛氏。相持不戰。
西陣兵漸加。大內政弘素黨西陣。與河野氏合兵三萬來
援東陣。遣政則拒之於攝津。遣政國國信攻武衛。畢欲及
政弘。未至拔之。迭攻二十日。未能拔。而政弘已至。擊政則。
政則走。至五條。不得入。乃東走岩倉山。西陣望見其炬火。
遣兵三道要擊。皆敗。政則經神樂岡白御靈。入東陣。
東陣流言。將軍近臣自通款。西陣者常泄密謀。所以取敗。
八月。勝元與家臣議。以甲六千扼守諸門。使教春請逐番
衆十二人。義政聽之。近臣皆怒曰。上意所注在西。西勝則
笑。東勝則顰。何獨吾儕。吾儕選於衆中。特受放逐之命。亦
足以死矣。爭結束將鬪。當是時。勝元迎上皇于幕府。
政長持敘三位。護輿至門。門中喧騷。輿止門外者。自午至
亥。藤原公春。吉良義信。以義政旨諭近臣。近臣乃出奔西
陣。而輿乃入。蓋勝元計。義政如不右已。則挾天子以戰也。
持豐亦計。攘下京之敵。以出敵東面。取三寶院相國寺。以
塞御靈口也。九月。令義就政弘成賴高賴。義直赴政。五將
臨發。誓持豐曰。此行不取相國寺者。無復生還。乃各將萬
人。攻三寶院。武田國信弟基綱。與其父信賢。以二千人守

挺身一
作挺進

之力拒終日。兵皆散亡。基綱獨開院門偏扉。以身當敵。敵不敢逼。富山氏驍卒野老源三有膂力。挺身搏之。基綱叱曰。試受吾刀。乃擊其胷。刀折。基綱大號奔逸。莫敢遏者。源三頭碎死。西陣兵既取三寶院。進攻淨華院。遂守將京極持清。焚近衛鷹司以下三十七第。遂向相國寺。勝元令安富元綱等三千騎守相國寺。別出兵於一條。而寺僧陰通欵於西陣。舉火為應。杆一條者。駭顧引還。西陣五將追至寺門。元綱兄弟以手兵拒總門。與政弘成賴。確鬪七合。殺傷大當。自晨至昏。西陣兵終不能入。已而東門失守。西陣兵突入。元綱兄弟出嗟馳之。箭洞胸死。政弘成賴既取相

至蒲岡切聚也

東勝或
作東條

在一作
往保一
作僕

國寺。收所獲首級。載之以巾八輛。以送致西陣。因屯相國寺。政之來謂勝元曰。敵屯相國寺。我如釜中魚也。急遣一將擊之。勝元曰。吾亦思此。而諸將士各有所守。與敵相拒。不可拔足。誰赴援者。秋庭某進曰。富山公其人也。勝元曰。然。召政長。語之。故曰。事急矣。煩公一行。果勝則當令忠勳。誰出公右者。政長對曰。僕雖無似。辱受此命。不敢不往。顧御靈林之役。多亡士卒。在者僅二千而已。若之何。勝元有慚色。政之乃令其部將東勝某援政長。政長於是出四足門。觀者相語曰。以此寡兵。恐不能克。政長據鞍而言曰。諸君勿憂。政長在焉。雖有百萬敵。保能破之。即得克乎。

日本外史 卷之八

應仁記
成賴作
高賴

今日之事。僕專任其功。諸君幸證之。乃進望敵陣。指問其
候騎曰。彼山門前者為誰。曰。成賴。小門後者誰。曰。義直。其
南者誰。曰。衛門佐氏。神保長誠說。政長曰。敵兵眾盛如彼。
君厚集其兵。合力衝突之。彼必縱兵圍我。我可以破其一
面也。政長從之。乃蒙楯而前。比薄敵。乃捨楯。直衝門前陣。
陣大潰。卻入門後。門後兵昏蹙。不能揮槍。義就謂其將甲
斐莊某曰。彼其尾張守也。我前軍槍鋒不整。必敗。亟勒隊。
吾將代進。言未畢。門後兵大敗奔。壓義就軍。軍不得戰而
退。東陣復取相國寺。政長名震兩陣間。於是兩陣皆戰疲。
交綏以相國寺為界。高壘浚塹。為持久計。當是時。伊勢貞

應仁記
成賴作
高賴

親在鈴鹿關。聞京師亂。乃歸。依勝元。勝元以其不善持豐。
欲置為己黨。為請復其舊職。以伺察府中應敵者。義視素
惡貞親。恐其離間兄弟。意自不安。竊謀逃奔。遂間行。至北
畠教親營。與俱奔伊勢。二年四月。義政以書招還之。義視
狐疑不應。勝元政長政則等連署請之。乃還。九月入幕府。
會有飛語。勝元謀廢立。義政疑懼。勝元聞之。乃陰計。義
視於西陣。十一月。令武田信賢擁義視。冒雨上叡山。持豐
聞之喜。遣兵迎之。奉于武衛氏。時義視為正三位。權大納
言。十二月。詔削其官爵。大納言藤原教忠等七人留在禁
內。遂奔西陣。亦削其籍。勝元復為管領。政則為侍所司。政

日本外史
卷之八
三十二

高忠舊
作高志
誤今據
他書正
之
柏
拍
作

則家老浦上某為所司代。自是兩陣如將軍兄弟爭者。文
明元年三月。勝元遣部下兵。夜縱火西陣。入至持豐營。持
豐提薙刀出。親戰庭中。從兵四集。殺安富某等十餘人。餘
兵走歸。四月。義政分于丹後于信賢政國二人。遣吏入國。
山名氏吏拒戰。迭有勝敗。五月。多賀忠高率近江兵入援
東陣。聞西陣黨六角龜壽起近江。則引還。勝元乃令國信
城北白川屬之叡山。以通近江商賈。又令是豐城天王山。
塞西陣糧道。持豐令義就心勝龍寺拒之。又令政弘城狛
野。以其家臣二尾某留守焉。二尾叛。應東陣。會少貳嘉賴
子教賴歸自對馬。謀復其國。西陣大亂。政弘走歸周防。西

陣失勢。赤松氏將中村某亦略播磨備前美作。盡復其國。
二年十二月。上皇崩于幕府。三年正月。葬上皇。葬儀不備。
義政徒步奉送。四年。勝元以將軍旨說畠山義統。義統降。
義政賜之越中能登。以通北國糧道。西陣益失勢。逃降相
屬。五年三月。持豐病卒。西陣猶不解去。勝元欲乘喪擊之。
五月。勝元亦病卒。子政元嗣。勝元與持豐構難。未決。勝敗
而死。然政權終歸細川氏。

日本外史卷八終

日本外史

卷八

居東山。起銀閣以擬義滿金閣。不以爭亂加意。諸國強臣。往往乘亂奪國。葬上皇之歲。斯波氏家臣甲斐某弒其君。奪越前以應西陣。朝倉敏景誅殺甲斐。義政賜之越前。於是織田氏乃奪尾張。義政不問也。自是天下武人不復朝。足利氏山名氏及其黨與諸將散在諸國。往往漸就衰滅。而細川氏與上杉氏張於東西者如故。上杉憲忠之與成氏和也。義政亦使使者諭解之。而君臣猶相嫌隙。後四歲。成氏與結城成朝謀伏力士於門側。而召憲忠。憲忠至。入門。力士擊殺之。上杉氏族皆怒。叛成氏。明年長尾昌賢請京師。立憲忠弟房顯為管領。與扇谷上杉定正共攻成氏。

轉戰武藏相摸間。房顯築壘于五十子。兵結不解者三歲矣。房顯定正請京師曰。願得戴一將種以討成氏。義政乃使其弟削髮為香嚴院主者蓄髮。命名政知。遣之關東。關東將士多歸心於成氏。少附政知者。於是政知留在伊豆堀越。房顯既卒。子顯定嗣。顯定與定正奉政知。數攻成氏。成氏走。據古河城。城負常陸。右下野。左下總。千葉。小山。結城。宇都宮諸族為之羽翼。顯定定正攻之。十一歲而陷。成氏奔千葉。後七歲。與上杉氏媾。得復古河。請和義政。義政聽之。實文明十年也。顯定於是在上野平井。管領八州。八州推稱山内公。扇谷上杉定正在相摸大場。其臣太田持

原
一作

資有才略。削髮稱道灌。道灌精築城之術。築江戶河越二城。居焉。與父道真協心。大播恩威。八州將士。漸背山內歸扇谷。顯定患之。數擊定正。不得志。顯定陰計。除道灌以斷定正手足。乃縱反間。盛稱道灌材武得士心。非為定正下者。定正稍忌之。十八年。定正招道灌。賜酒。酒酣命浴。使人槍刺殺之。子資安與道真共降顯定。顯定大喜曰。定正陷我計中。不足復圖。長亨元年。將兵發平井。擊定正。定正遣使古河。乞援於成氏。成氏使子政氏將兵援定正。討顯定。是年九月。義尚自將討六角高賴。以其背命不來也。十月。高賴逃甲賀山。義尚留陣鈎里。義尚幼喜文學。與藤原兼

良問答政事。兼良為錄其語。曰。樵談治要。又習騎射。在鈎里踰年。講左氏春秋于幕中。曰。吾不滅此賊。不復還京師。延德元年。三月。疾作。薨于陣中。官至內大臣。右近衛大將。從一位。薨年二十五。內外惜之。義尚晚更名義熙。義熙無子。義政召義視於美濃。養其子。義材為嗣。義材後更名義尹。終更義植。二年。正月。義政薨。官至左大臣。右近衛大將。從一位。准三宮。明年。義視薨于京師。政知卒于伊豆。政知有子。曰茶茶。政知愛後妻子。義通疎茶茶。茶茶怨望。遂弑政知。義通走。依今川氏親。氏親遣其將伊勢長氏誅茶茶。長氏遂取伊豆。遂窺相模。是時。上杉定正方克顯定。居鉢

形城。兵威頗振。不復敬成氏。小田原城主大森實賴以書
諫之曰。扇谷支庶也。所以能抗山內者。太田道灌之力也。
今既喪道灌。兵力衰削。而偶克勁敵。真僥倖耳。乃輕蔑君
長。重喪將士之心。禍至無日矣。定正弗能悛。長氏遣使通
好於扇谷氏。與今川氏俱助定正。以擊顯定。兩上杉氏終
自是衰矣。義通之走今川氏。今川氏護送之於京師。細川
政元為管領。請義植寓義通於天龍寺。將行為僧也。義植
既襲職。近國諸士盡來賀之。獨六角高賴不至。義植曰。吾
將繼義父之志也。明應元年九月。義植親將討高賴。攻拔
觀音寺城。高賴復逃甲賀山。義植凱旋。當是時。畠山政長

為管領。政長以宿將負其威望。輕侮諸將。諸將不平。畠山
義豐。義就子也。訴政長驕橫。據譽田城舉兵。二年三月。政
長奉義植討之。四月。義植陣于正覺寺。數攻譽田。不能下。
義豐知細川政元與政長爭權相忌也。陰遣使說細川氏
家老三好之長。之長子之慶勸政元援義豐。合兵圍正覺
寺。義植脫走。政長子尚長走紀伊。政長曰。吾可以死也。與
其臣丹下某等訣飲自殺。政元歸京師。議將軍繼嗣。前關
白藤原政基與政知有姻。因說政元曰。義通在天龍寺。
未削髮。當立。政元然之。乃會諸將。言曰。東山公嘗約養堀
越氏之子矣。今將軍黨於政長。自亂國家。不可以統師。諸

長或
尚順

將莫敢異議。乃立義通。甫十五。更名義高。後更義澄。閏月。政元聞義植匿在高井。尚長在高屋。遣兵攻之。捕義植。幽于家臣物部氏。禁人出入。縱一僧侍焉。六月。義植逃出。奔越中。終赴周防。依大內政弘。政弘卒。子義興計起兵。復義植。政元養子高國。以事怨政元。叛通大內氏。於是細川氏分黨。京畿大擾。兩上杉氏亦鬪於關東。概無虛歲。六年。成氏卒。子政氏嗣。政氏與定正子朝良。數攻顯定。已而和之。當是時。海內武人迭相爭奪。不復知有天子。將軍九年。九月。帝崩。置柩於黑戶。四十餘日。乃葬。十一月。太子即位。是為後柏原天皇。天皇文龜元年。義澄義植各自聚兵。義澄

奏請削義植官爵。永正元年。政氏與子高基有卻。構兵。初。政氏有三子。高基。義明。基賴。政氏欲廢高基。高基舉兵攻政氏。上杉顯定和解之。使政氏退老。高基立。義明奔陸奥。基賴奔下野。是時。伊勢氏勢漸強大。兩上杉氏連和以拒之。三年。顯定弟房義。為其臣長尾為景所殺。四年。細川政元為賊所殺。三好長輝誅其賊。政元素好鬼神說。不道婦人。以故無子。養藤原政基子澄之。又養族政春子高國。皆不中意。更養族元勝子澄元。初賴之之後。世為管領。曰上館。二弟詮春滿之。世領讚岐阿波。曰下館。猶關東有兩上杉氏。政春詮春之後也。元勝滿之之後也。澄元猶如。在阿

波。三好之慶子長輝輔之。藥師寺與次。香西又六。並為政
元家宰。議曰。管領言行無常。不能久也。澄元為嗣。長輝執
權。則我輩不能不出其下。不若速行大事。擁立澄元。乃略
政元近士福井戶倉等。伺察政元。是年六月。政元齋戒。夜
入浴室。戶倉就而及之。近士波波伯部走救。亦為所及。不
殊。奔河波。香西等乃迎澄元於丹波。立之。義澄不能制。七
月。三好長輝發兵。擁澄元入京師。香西城嵐山。據之。出兵
拒百百橋。波波伯部為長輝先鋒。遇戶倉。鬪而斬之。澄元
與香西藥師寺皆死。長輝請義澄。以澄元為管領。而自執
政事。後削髮稱希雲。希雲之先。曰小笠原長清。長清子長

房為阿波守護。自信濃徙焉。居三好鄉。及細川氏領四國。
屬部下為重臣。至是始著。而細川氏始衰矣。大內義興聞
變。舉山陰山陽西海兵。奉義植而東。細川高國亦舉兵應
之。義澄懼。與書高國講和。高國不聽。五年。三月。義澄奔近
江。依六角定賴。澄元與長輝奔阿波。四月。義植義興至畠
浦。先是。畠山尚長與其臣赤澤某等。攻殺畠山義豐。數與
政元戰。至是以兵來屬義植。義植義興入京師。長輝出兵
攝津。與六角氏兵夾攻京師。大敗。自殺于知恩寺。六月。詔
奪義澄官爵。還予之義植。義植以義興為管領。六年。十月。
夜有盜入幕府。欲刺義植。義植拔刀。手斬四人。身又被九

赤澤疑
當作木
澤赤澤
是為政
元敵尚
長者事
見應仁
後記

創。謂義澄所使也。於是遣兵索義澄於近江。弗獲。七年。義植自將攻六角定賴。敗歸。是年六月。上杉顯定討長尾爲景。欲爲房義復仇。戰于信濃高梨。敗死。顯定無子。養政氏子顯實。又養憲實子憲總。及其死。諸家臣逐顯實。立憲總爲管領。八月。細川政賢將南海東國兵。入攻義植。政賢持賢孫也。義植以大內義興策。避之丹波。誘政賢入京師。已而聚兵南歸。與政賢戰于船岡山。大敗之。奏義興功。敘從三位。如島山政長赤松政則故事。是月。義澄薨于近江獄山。官至參議。從三位。有二子。長曰義晴。季曰義維。託義晴於赤松義村。託義維於細川澄元。義村。政則子也。十年。義

植復攻六角氏。敗歸。十五年。大內義興西歸周防。以久居京師。費用不支也。細川高國代爲管領。專政。十七年正月。澄元聞義興去。則與三好元長發兵于攝津。元長。長輝孫也。高國敗。走近江。五月。高國與六角定賴合兵。入京師。元長大敗。被虜。澄元走播磨。遂歸阿波。病卒。元長逃歸阿波。高國益專橫。義植厭之。欲以高山尚長子植長代爲管領。高國聞怒。大永元年。三月。義植爲高國所逼。出奔淡路。後二歲薨。官至權大納言。從二位。高國迎義晴於播磨。詔奪義植職。予之義晴。依高國請也。是年。朝廷始行即位禮。本願寺僧獻其資。因敕以僧准門跡。六年。帝崩。太子即位。是

日本外史 卷之九
為後奈良天皇。高國信讓殺其臣香西光重。京師亂。義晴奔坂下。遂赴近江朽木。依佐佐木植綱。三好元長在阿波聞之。乃奉澄元子聰明五郎。舉兵入京師。高國乞援於近江。若狹。越前諸將。朝倉孝景來援高國。七年二月。元長至京師。高國陣桂川東。孝景陣鳥羽。元長為三軍。與高國夾水而陣。上軍濟上流。下軍濟下流。高國陣左右。顧而動。元長則以中軍為圓陣。亂中流。衝高國陣。陣合以圍之。上軍下軍皆濟。內外夾擊。高國大敗。稟瀨走。元長軍追之。部伍頗亂。孝景乃橫擊。破元長。元長走歸阿波。三月。元長大舉至界浦。連下諸城。獨伊丹未下。高國遣兵救之。自陣東寺。

畠山義宣。義豐子也。起兵應三好氏。與丹波香西氏皆約攻高國。高國度不可支。乃講和。元長佯聽之。享祿元年。諸援高國者皆解歸國。元長乃欲攻高國。高國大懼。出奔。摩抵北畠六角朝倉尼子氏。皆弗納。終往備前。依浦上村宗村宗方。殺其君赤松義村。欲列為諸侯。如朝倉氏比也。乃與高國相結。託時元長加冠於聰明五郎。名曰晴元。居於界城。元長輔佐之。元長叔父政長。稱宗三。城元長專權。與晴元所寵木澤長政。柳本彈正相結。俱譖元長。長政畠山義宣家臣也。柳本香西氏族也。二年。柳本攻伊丹。元長與伊丹城將有姻。欲援之。柳本奔救。方晴元令柳本將兵攻

陷伊丹元長怨望自歸阿波。高國聞元長不在，乃發兵攻晴元。晴元意悔，召元長自援。十一月，高國與村宗合兵來攻晴元。赤松氏遺臣不服村宗者，擁赤松晴政，通款於晴元。四年春，元長發兵助晴元。六月，大戰于天王寺側，殺村宗，走高國。高國走足崎，匿于湊戶。變中，元長兵索獲殺之。播磨力人島村奮戰死。天文元年正月，元長殺柳本了基于京師，以報伊丹之怨。晴元大怒，元長削髮謝之，稱海雲。晴元意猶不釋，密使三好宗三、木澤長政圖之。晴元族持隆諫曰：「彼有大功，殺之不義，弗聽。」遂遣宗三、長政誘本願寺僧徒圍海雲于顯本寺。海雲使其妻攜子長慶逃阿波。

而自殺。長政終弑其君義宣。二年，本願寺僧徒與晴元有隙，攻取界城。晴元奔淡路。木澤長政誘京師法華徒攻復界城。四月，晴元率阿波兵歸助長政，僧徒城大坂，據之。晴元攻之不能拔，和彈兵乃入京師，迎義晴於朽木，自為管領。義晴之在朽木也，高基自占河使使來請冠其子，受將軍偏諱如故事，因命曰晴氏。上杉憲總已死，子憲寬為管領，與伊勢氏綱爭武藏。高基為晴氏娶氏綱女，欲假其力以報宿仇。高基弟義明在陸奥，亨祿中，上總守護武田豐三與原氏鬪于葉氏，援原氏，豐三不克。豐三乃迎義明為主，遠道爭附之，遂攻滅原氏。義明居于御弓，稱御弓御所。

援後天
文二字

常思定關東以興基氏舊業。高基意害之，勸伊勢氏滅御
弓。天文七年，伊勢氏大舉來攻義明。義明與弟基賴將兵
迎之。義明馳突敵軍，皆靡。乃留侯後騎，中飛箭，基賴復
走下野。伊勢氏盡并其地。十四年，上杉憲政與上杉朝定
合兵，攻伊勢氏。憲政意寬子朝定，朝興子也。於是憲政朝
定，並遣使乞援於晴氏。晴氏遲疑，其臣交勸往，乃往。與兩
上杉氏俱圍河越。踰歲，伊勢氏康大破兩上杉氏軍。晴氏
逃歸占河。十五年，義晴欲冠其子。時京畿騷擾，不可行禮。
乃攜赴坂下，冠于口古祠官家。命名義藤，遂改義輝。讓之
軍職。六角高賴為假管領。實之。當是時，細川晴元在京師。

其臣
作家臣

之虎或
作之康

玉井某擁故細川高國義子氏綱游佐長教擁故畠山植
長弟政國，並起于攝津河內，與大坂僧徒連兵。北鄉晴元
遣三好宗三等拒戰，不克。乃以三好長慶、長慶時年十九
掌細川持隆兵，有勇名。以父故，恣晴元不輒應命。其弟之
虎諫之，乃航海至兵庫，入越水城。宗三迎之，合兵擊氏綱。
政國迭有勝敗。宗三嘗譴殺元長，至是又譴長慶。長慶恣
之。十八年，長慶與游佐長教連和，攻宗三于藏城。宗三
乞援於晴元。晴元發京師，入榎南城。六角定賴與晴元有
姻，出兵助之。長慶曰：「吾以義榮為將軍，氏綱為管領，何患
之有？義榮者，義輝子也。」六月，長慶與其弟十河存攻，援

以上一
有以字

榎南宗三走死江口。晴元走坂下。十九年三月。晴元聞長慶且來襲也。城于如意島。以奉義晴。義晴病。薨于穴太山中。義晴官至權大納言。右近衛大將從三位。晴元定賴奉義輝。徙寶泉寺。十一月。長慶入京師。陣阿彌陀峯。分兵屯三井寺。縱火大津。義輝又徙朽木。晴元陣志賀。二十年。止月。晴元迎擊長慶兵。大敗。二十一年。六角定賴使其子義賢抵長慶講和。曰。將軍遜於公。越在畿外數年。公武多矣。不亟講和。恐天下有議公者也。長慶曰。臣不敢犯將軍。特然。右京大夫右宗三耳。今宗三既死。使大夫削髮立氏綱代之。以及大夫子信良。則臣請謹戰兵矣。和議即成。晴元

削髮奔丹波。二月。義輝攜信良歸京師。長慶入謁于相國寺。立氏綱為管領。置信良于越水城。其實質之也。於是三好氏代細川氏領京畿諸政。留家臣松永久秀護幕府。而引兵南歸阿波。久秀西岡賈人。以慧照為長慶所親任。先是伊勢氏康攻上杉憲政。平井城陷。八州將士捕憲政子龍輝。以降氏康。山内上杉氏於是終滅。先是扇谷上杉氏亦為氏康所滅。憲政奔越後。依長尾景虎。盡以其姓氏官號授之。景虎為景子也。長尾氏於是冒上杉氏。因管領關東。晴氏請和於氏康。立伊勢氏所生子義氏。而自老。氏康置義氏于鎌倉。後請京師。任左馬頭。二十二年五月。三好

任下一
有為字

實休弒其君持隆奪其妻實休即之虎也。義輝苦三好氏專恣，召還晴元、晴元糾合舊臣入焚三好氏第宅。長慶聞之大怒，八月長慶率兵二萬入京師，將攻義輝堀川第。義輝晴元復奔近江，長慶移軍攻丹波，陷諸城，又攻播磨。弘治元年播磨皆降。三年帝崩，太子立，是為正親町天皇。永祿元年五月義輝晴元陣坂下，出兵北白川，與長慶兵戰，將士死者百餘人。六角義賢來援，復講和。十一月義輝歸京師，長慶入謁，囚晴元于茨川城。踰歲卒，氏綱在淀城，後五歲卒。當是時，細川上杉二家俱瀕衰亡，而三好氏長尾氏代之，並興。三年長尾景虎來京師，三好長慶導謁義輝。

義輝班景虎于長慶之上。景虎密啟義輝曰：長慶輕蔑將軍，臣請擊殺之，以除將軍患也。義輝危而不許。四年三月，長慶饗義輝于其子義長新第。松永久秀董其事。五年三月，三好實休與畠山高政戰于久米田，敗死。高政攻國子也。初，高政助長慶有功，已而與六角義賢謀滅三好氏。連年構兵，及獲實休，兵益振。長慶使子義長弟冬康叔父康長政康與松永久秀等攻高政，取高屋城。時長慶老病，恍惚不知人，委政於久秀。久秀忌義長才望，陰計除之。六年八月，久秀遂毒殺義長于林川，以十河一存子義繼代為長慶嫡嗣。七年五月，又讒冬康於長慶，長慶召冬康於飯

盛城殺之。七月長慶死。政康康長及岩成左通稱三好三黨。久秀與之謀秘喪。又謀廢義輝立義榮。義榮冀望將軍。數示意於長慶。長慶弗肯。是年冬。義輝修二條武衛第。課畿內特稅攝津戶金貳分。物情囂然。義榮乃以其情告三黨。三黨與久秀議而肯之。八年四月。義輝已徙新第。門扉未成。三黨相謂曰。時不可失也。五月。三黨與久秀及其子久通等率千餘人。人佩一竹枝為號。宣言詣清水寺。以入京師。又謀紓其備而逼之也。佯奉訴狀。因幕府近臣進士晴舍納之。義輝義輝母慶壽謂義輝曰。劫而訴者。師直宗全故事爾。今亦當且聽其請。以計無事。晴舍往復再三。而

賊已傳幕府。自四面闕而入。一府中大驚。宿直者一色秋成。上野輝清。高師宣。彦部晴直。細川隆是。武田信景。杉原晴盛等三十餘人。聯鋒突出。肉薄與賊鬪。斬數十人。晴舍曰。悔為賊誑。使君疑我。乃自刃而死。當是時。府兵在京師者。聞變聚于三樹里。或曰。速救之。或曰。眾寡不敵。救毋益也。治部藤通。其弟福阿彌與沼田某奮曰。吾有死而已。提槍馳至府門。呼曰。吾欲與將軍共死。願使得入。賊不許。乃佩竹枝混賊而入。則義輝方會眾訣飲。憫三人者。欲使脫去。曰。汝出招不來者。三人者辭曰。命之他人。義輝為絕命辭。書之。姬人衣袖曰。足利氏運命窮於此矣。出傳家寶刀

十餘口。更取出關。刀皆缺折。因發庫。盡散其珍寶于庭。賊爭攫之。義輝與三十餘人。從而蹂躪之。殺傷過當。而我兵終皆死之。義輝猶奮戰。賊不敢逼。賊池田某自扉陰跳出。川義輝足踏之。賊堆集。仆障於其上。攢槍弑之。遂殺其姬。脫夫人近衛氏慶壽大慟曰。將軍死矣。老婦何生為。縱火自燒。殺池田傷目于障。後終盲為廢人。行乞于市。京師人指以為弑逆之報也。於是三黨擁義繼。據高屋城。以迎義榮。六月。義榮發阿波。至攝津。十二月。入普門寺城。敘爵任官。三黨專功有得色。義繼惡之。十年。三月。義繼逃歸於久秀。久秀據多門城。與高山高政合兵。攻康長。康長陣東大。

寺。十月。久秀焚而走之。義輝薨年三十。官至參議。從四位下。初。義輝有二弟。曰覺慶。為南都一乘院主。曰周髡。習禪于鹿苑寺。義輝之被弑也。賊使平田某詐誘周髡曰。公來將奉以為將軍也。周髡信之。往渡夷川。平田自後斫殺周髡。從人四散。獨小四郎者。甫十六。拔刀與平田鬪而斬之。賊又遣兵守覺慶。片其從者。獨縱細川藤孝給仕焉。藤孝故賴之弟。賴有九世胤也。父曰元常。養大和守三淵宗薰子。是為藤孝。或傳藤孝。義澄遺腹子。為宗薰所育者也。長多材能。覺慶與之密謀。乃以其策。佯稱疾。徵醫。藤孝進醫。米田宗賢。宗賢宿直數日。託覺慶疾瘥。夜賜酒於守兵。守

經一作

兵皆醉卧。宗賢乃扶覺慶奔近江。遇險輒負覺慶而過。頃
焉藤孝又至。徑甲賀山。至矢嶋館。于和田秀盛家。賊守者
既覺。四追之。不度其冒險。以故不能獲也。上野清信和田
惟政等十餘人。聞覺慶在矢嶋。來從之。覺慶養髮。更名義
昭。明年使藤孝就六角義賢議事。義賢與其子義弼不善。
國內騷擾。以故辭不奉命。已而久秀等聞義昭在近江。使
義弼圖義昭。義昭覺之。乃與藤孝等十餘人。夜航湖走若
狹。依武田義統。義統義昭妹婿也。以國小辭。乃赴越前。依
朝倉義景。義景奉之于敦賀。敦賀有寇。又徙一乘谷。義昭
知義景不足託大事。訪察近國諸將。欲得一人焉。莫若織

田信長者。先是美濃上岐氏為家臣。齋藤某所篡。織田信
長以尾張兵克今川氏。并參河遠江。終誅殺齋藤。并美濃。
威名四聞。十一年六月。義昭潛遣藤孝清信。就信長諭意。
信長大喜。迎義昭。義昭乃發越前。義景固請止之。不肯。七
月至美濃。入岐阜城。與信長議。西上。使使諭六角義賢。義
賢不聽。八月。義昭與信長將兵攻義賢。走之。終入京師。九
月。攻攝津河內。義榮已患癰。薨。義榮官至左馬頭。當是時。
三黨或奔或降。義繼久秀爭媚事信長。信長分畿內地予
之。藤孝惟政等皆拜邑。十月。詔以義昭為征夷大將軍。義
昭褒信長成功。賜重畫徽號。呼曰父。用尊氏遇赤松則村

故事也。義昭以京師兵變，假居細川氏綱舊宅，遂徙本國寺。十二年正月，三黨伺信長不在京師，乃聚萬餘人圍本國寺，野村越中等善拒。攝津河內諸將入援，伊丹親興擊賊，破走之。義昭乃徙居二條城。元龜元年，義昭與信長合兵，擊三好餘黨于攝津，不利。六角朝倉淺井氏並起，慶信長于大津，義昭下教和解之。三年六月，游佐長教弑其君畠山昭高，昭高弟長教所立也。織田氏討長教，誅之。三好義繼、松永久秀後皆為信長所誅。信長大樹恩威，故舉義昭短，以示上下。義昭憤懣，欲除信長，引上杉景虎及關東諸將以自援。天正元年二月，寨于石山堅田，起兵討

信長。為信長所攻破，佯和而罷。七月，義昭令三淵某及廷臣二人守二條，而自據宇治槇島。信長將兵來攻，細川藤孝迎降之。信長攻下二條，三淵死之。三淵藤孝弟也。信長遂攻破槇島，使其將羽柴秀吉徙義昭于河內若江。織田氏於是遂代足利氏。義昭後流寓和泉紀伊播磨，終依毛利氏居鞆津。信長遣秀吉攻毛利氏，自將繼之。途為其下所殺。而羽柴氏遂代織田氏。十三年，秀吉自冀為征夷大將軍，故事征夷大將軍非源氏不可拜。秀吉因是欲冒足利氏，請義昭曰：公養吾為子，吾封公以大國，安富尊榮，以終其身也。如何？義昭賤之，斥而不許曰：吾雖命窮矣，猶八

幡公等持公之苗胤也。計安逸而汙祖先。吾則耻之。秀吉不能強焉。十六年。義昭削髮。慶長二年八月。義昭薨。官至權大納言。從三位。及此詔。贈准三宮。義氏亦卒于關東。卒而無後者。九歲。羽柴氏東伐。求足利氏後。得基賴孫國朝。立為義氏之後。居下野喜連川。給五千石。呼喜連川公。方義榮之後。居阿波平島。呼平島公。方初。義榮之父。義維為義植所養。生義榮及義助。義助生義種。義種以後世。實于阿波。此兩家與細川上杉二氏皆存至今。其居平島者。世稱又太郎。仍尊以故事也。居喜連川者。世任左兵衛督。仍直義基氏故事也。而喜連川在足利氏故國。及德川氏定

樓

治侯也。聚也。又率也。孟子。陶朱。富。樞。而樓。共。樓。子。又。五。霸。者。樓。諸。侯。以。伐。諸。侯。也。

天下特以賓禮遇之。外史氏曰。源氏者。攘王土以樓王臣者也。足利氏者。奪王土以役王臣者也。故論足利氏之罪。浮於源氏。而源氏再傳而亡。足利氏乃得延之。十三世者。蓋源氏剪除宗族。孤立自斃。而足利氏封建子弟舊臣。足以相維持。故不遽滅焉耳。然其封建也。不知制本末輕重之勢。是以纔能偽定一時。而反者如蝟毛而起。至其中葉以後。天下禽奔獸遁。而不可復制也。夫源氏將士。其強鷙桀黠。不減足利氏時也。而奔走馳驅。無一人彎弓東向者。何哉。無他。其力微弱。易制。而進退易置之權。常在於我也。至於足利氏。與之以

饒如招切豐也

掉在平切音調搥也
左聯士年未大必折尾
大不掉

集或也

餽忍正切音耳
餽厄

土地之饒。授之以人民之富。其勢足以為亂。而又襲之子孫。牢不可拔。豈可莫以預防其變哉。然而漫然割與。動使一姓得踞三四州。甚者居天下六分之一。而莫之能制。至於其封鎌倉。與室町如二君焉。遂致其子孫猜疑相圖。而終之鎌倉為上杉氏所覆。室町為細川氏所弱。皆所謂尾大不掉。末大必折者也。然其為之者。有故焉。彼其計奪王家中興之業。故濫賞侈封。務充其欲。不復計其後。以尚取天下。天下已集矣。而不可裁抑。一有所問。裂眦而起。無足怪者。充彼之欲。以濟我之私。彼知我私。而以其功邀於我。我何以制之哉。蓋足利民。以土地人民。領天下之豪傑。而

製一作

篡一作

不能製之。并其餽而失之。亦可哀矣。故彼急於取天下。而為苟且攫竊之計者。未有不貽禍於子孫者。足利氏宗族君臣。更相屠戮。十三世之久。而殆無寧日者。豈非由其盜奪之報也哉。後之為人臣者。亦可以知懼矣。或曰。將家禮制。概成於義滿之時。而有可憾者。夫行天子事。而謂之將軍。已為不稱。而為之下者。受封將家。而班爵王朝。又為不順。使義滿有學有術。參酌古今。創立官爵。已下天子一等。除王朝公卿之外。天下萬姓盡為其臣。豈不善哉。外史氏曰。噫。是助足利氏為虐者也。夫天下有名有實。昔我王家統馭海內。食租衣稅。而以爵秩酬功勞。當是時。名實之權。

〇

並在朝廷。及於其後。有盜其名而敗者。平將門是也。有竊其實而成者。源賴朝是也。有欲并有其名實而兩失之者。則足利氏是已。夫將門未定八州。而先擬帝皇。天誅不旋踵。賴朝乃請守護之設。分取天下兵食。而其號則不過曰追捕使。若曰既充其腹。何必華其服。及尊氏奪中興之業。尺地一民。莫非其有。而朝廷徒擁虛器。不徒分取之也。然名分所在。不可踰越。故雖北朝天子。而已以上將宰天下。猶源氏之故焉。至於義滿。驕侈跋扈。僭擬乘輿。通信外國。稱日本國王。分舊臣門族。以做攝籙清華。豈非欲并有名實哉。朝廷擬其贈號。以太上天皇。雖無稽之甚。貽笑千

論諸八佾篇

子貢欲去告朔之餼羊。子曰賜也。爾愛其羊。我愛其禮。

注告朔之禮。古者天子常以季冬頒來歲十二月之朔於諸侯。諸侯受而藏之。祖廟則用。則以特羊告廟。請而行之。餼。生牲也。子貢蓋惜其無實。而妄費。然禮雖廢。羊存。猶得以識之。豈復焉。若依去其羊。則此禮遂亡矣。孔子所以惜之。

古而義滿。素心所蓄。亦可以見矣。其早世不終志。可不謂我邦之幸也。而或者憾之。何哉。昔者孔子愛告朔之餼羊。王室既喪。其實矣。賴有其名耳。而今又欲舉而禡之。是助足利氏為虐者也。晉以侯而宰周之天下。霍氏以大將軍而宰漢之天下。自古有之。是亦可矣。不必別撰名號。以稱其實也。且夫自公侯至輿僮。以次相僕役。而莫非王臣者。何為不順哉。饒令新建爵號。猶平新皇之為耳。豈能如千歲因襲之名。在民耳目。足以服其心邪。假使足利氏如或者之說。吾知其不能一日居也。余謂足利氏之欲并有名實也。於其自處。已為失義。而於其事上。御下之際。又有失

外外然

何以謂之
之一作
何也

計焉者。何以謂之。夫我已有其實。而貽天子以虛器。是擁
虛器者耳。何必介介然扶北而擠南。唯夫扶北而擠南。是
故天下翬然莫或寧一。而其分舊臣門族也。所謂三管領。
皆據大封者也。既與之以土地人民之富。而又假之以官
號之崇。授之以權柄之要。是奚異傅虎以翼。歟。應仁之亂。
是其所由起焉。而終致上將亦擁虛器。同於王室。其極也。
并其位號而喪之矣。是所謂兩失名實也。豈非計之失者
哉。

日本外史卷九終

5/10

